

金石三例

一
金石例上

金石例目錄

鄱陽楊本編輯校正

廬陵王思明重校正

卷之一

碑碣之始

墓誌之始

碑碣制度

墓誌制度

墓表制度

石人羊虎柱制度

墓圖

古今碑石同異

卷之二

金石文之始

碑式

碑陰文式

德政碑之始

德政碑式

墓碑式

神道碑之始
神道碑式
家廟碑式

先廟碑式
先塋先德昭先等碑之始

先塋先德昭先等碑式
賜碑名號之始

賜碑名號式

卷之三

碣式
墓碣式
誌式

墓誌式
葬誌式
殯誌式

權厝誌式
歸耐誌式
墓版文式

卷之四

銘文之始
銘式
墓銘式

墓誌銘式

墓碣銘

墓甗銘

壙銘式

卷之五

古墓表式

今之墓表式

墳記式

誄式

行狀式

論行狀語錄

名號稱呼類

時忌字樣類

書碑額例

書碑陽例

書碑陰例

僧碑

論碑文合書不合書

書銘陰例

卷之六

韓文公銘誌括例

自宦業俊偉者敘起而以世系妻子居後

自急流勇退者敘起次履歷家世而以死葬居後

自事實敘起次履歷家世子女而以葬年月日居後

先敘姓字三代次履歷而以妻子居後

先敘家世

不書家世而書履歷

不書家世履歷而言丹砂之害

先敘死年月起

先敘死者葬地

先敘姓名履歷而以三代妻子居後

無履歷可敘者

僅有初筮可書者

敘文詞之盛者

自賜廟敘起

自乞銘敘起

有誌無銘

述其妻子之辭

法揚子雲造語

王臨川以爲銘之奇者
樓迂齋所取者

賜廟碑體

郡王碑體

公相銘誌體

節度觀察刺史誌銘碣

御史卿監郎官墓誌

博士附

州縣官誌銘

處士誌銘

幼殤誌銘

卷之七

宗族姍黨稱呼例

書上代例

書曾祖例

書曾伯叔祖例

書祖例

書父例

書母例

書伯叔例

書伯叔母例

書兄弟姊妹例

書姊妹夫例

書妻例

書子男例

書女婿例

書舅姑例

書外家例

職名例

有出身必書例

內職必書例

書除授例

家世例

書三代例

不書三代例

歷書世系例

書三代及其兄例

書三代不名而及其女兒與甥例

不書曾祖而書六代祖及祖及父例

不書曾祖而書祖書父例

不書曾祖祖而書六世祖及父例

不書曾祖祖而書七世祖及曾伯祖及父例

不書曾祖祖而止書其父例

不特書父而書大王父王父伯例

書上世并書其母例
書二母例

書三代并書其母例
書三代并書其母其舅例

書父并其母舅不及上二代例

書十一世祖及父及母例

書父及母及兄弟而不及上世例

書婦女家世例

書三代例

書祖書父及其舅其夫例

書父及其夫其子例

書兄弟例

書兄及弟例

書妻例

書妻及曾祖祖不書妻之父例

書妻及妻之祖父不書妻曾祖例

書妻及妻之父不及其曾祖祖例

書妻及妻之父及曾伯父例

書妻及妻叔祖不書其祖父例

不書妻祖父例

因葬書妻例

因耐葬書妻例

書再娶例

書三娶例

書婦德例

書子女例

書子女不名例

子書名女不書名例

子女並書名例

書子女及壻例

不書壻姓名例

書子女壻及外孫例

書異母子女例

書子而無女例

書子女年歲例

書女出家例

書子女生於死後例

書過房子例

書子文學材質例

書無子例

卷之八

書死例

書死于官著年月日例

書死于官不書年月日例

書死于家著年月日例

書死于中道外州著年月日例

書死于中道外州不書年月日例

書病死例

書不病而死例

書死而不書死之地例
書死而不書死之歲月例

書生死年月日例
書病死例

書死不書病例
書死爲薨例

書葬例

書勅葬例
書詔許還葬例

書自他州返葬例
書葬他州例

書葬祖父墓域例
書夫耐妻墓例

書妻耐夫墓例
書合葬例

書各葬例
書因某人歸葬例

書本月內葬例
書本年内葬例

書明年葬例

特書某年葬例

不書年月日例

不書葬地例

書某月幾日不書甲子例

書某月甲子即不書幾日例

卷之九

論古人文字有純疵

論作文法度

論作文當取法經史造語

學文凡例

制式

擬制之始

擬制之式

誥式

擬誥之始

擬誥之式

詔式

擬詔之始

擬詔之式

表式

擬表之始

擬表之式

露布

擬露布之始

擬露布之式

檄式

擬檄之始

擬檄之式

箴式

擬箴之始

擬箴之式

銘式

擬銘之始

擬銘之式

記式

記以記事其式不一觀古人諸記可見矣故不具

擬記之始

擬記之式

贊式

擬贊之始

擬贊之式

頌式

擬頌之始

擬頌之式

序式

擬序之始

擬序之式

諸跋

郝伯常先生編類金石八例
蒼崖先生十五例

卷之十

史院纂修凡例

聖旨詔例

元正朝賀

外國來賀

車駕飛放

車駕行幸

嶽瀆降香

聖節朝賀

諸王稱號

皇屬除拜

內庭宴集

大會諸王

神祇祭享

百官拜罷

百官除目

萌古言語

誅殺罪人

錫宴犒勞

甲子日分

天地災異

奏除臣僚

奏對陳言

陞加散官

征伐收撫

外國君長

營造工作

臣下奏事

臣僚薨卒

金石例目錄終

學古文者始入當極才盡致爲之不必求例子厚老蘇
早年文字可按言例則先有一物制之於筆先而無以
極其才矣然才境旣極而無馭之者必將爲七百里之
連營必將爲八駿之遊寄瑤池而不知返故授之文律
焉講於例者熟然後得諸心而應諸手者不繆於施此
先儒宿學所由斷斷言例也久之而涵泳淘汰與道大

適則有以通古今之變而權常變之宜古之所無可自
我而創之古之所有將自我而空之如是則文之能事
至矣文之趣亦得矣文之用亦鴻矣又何例之云云乎
無例則文之能事必不至有例則文之趣必不得文之
用必不鴻始由無例以之有例繼由有例以之無例此
學之者之功夫節次也若夫浹之神而遇之天如輪扁
之斲輪佝僂丈人之承蜩則夫三例之書與吾所謂廣
例者猶一映而已矣

嘉慶龍夔丁卯蕤賓之月惕甫王芑孫校定

長洲王芑孫評本

金石三例

潘蒼厓金石例

王止仲墓銘舉例

黃梨洲金石要例



光緒戊寅讀
有用書目三刊

文章無定例
耳若云無義
則不可也

213
2168

21067

金石三例序

文章無義例。惟碑碣之製。則備載姓氏爵里世系。以及功烈德望子女卒葬之類。近於史家。如春秋之有五十凡。故例尚焉。碑碣興于漢魏。迄唐宋以下。而例則斷自韓子元潘蒼崖。創爲金石例十卷。制器之楷式。爲文之榘矱。靡不畢具。明初王止仲又撰墓銘舉例四卷。兼韓子以下十五家條分縷晰。例之正變推而愈廣。

本朝黃梨洲以潘書未著爲例之義。與壞例之始。作金石要例一卷。用補蒼崖之闕。合三書而金石之例始賅。曩病時賢碑碣敘次失宜。煩簡靡當。蓋未嘗于前人體製一爲

省錄爾茲故彙刻以行世俾後之君子曉然於金石之文
不異史家發凡言例亦春秋之支與流裔觸類而長之庶
乎知所從事矣蒼崖吾鄉濟南人止仲吳中北郭十子之
一梨洲爲忠端公子漁洋重推之三君者學問文章皆有
根柢其所論著足爲程式刻旣成爲序其大畧如此乾隆
乙亥長至日德州盧見曾撰

金石例序

金石例者蒼崖先生所述也。凡碑碣之制始作之本銘志之式辭義之要莫不。放古以爲準。以其可法於天下後世。故曰例。而其所以爲例者。由先秦二漢暨唐宋諸大儒皆因文之類以爲例。至夫節目之詳。率祖韓愈氏大書特書。不一書彪分。眎列其亦放乎春秋之例也。與甚矣先生有功于斯文也。先生世居中州。以文學鳴國。初士之爲文者。猶襲纖巧。其氣萎蕪不振。先生患其久而難變也。乃述是書以授學者。使其知古之爲文如此。粲然畢舉如示諸掌。故厯事六朝。出入翰苑餘二十年。凡經指授者皆有法度。

朝野至今稱之至正四年春先生之子敏中來爲饒理官好賢下士文雅有父風其于先生手澤尤加慎重以本之與於斯文也俾之次第而讎校之刻之梓以永其傳嗟乎先生不以崇高自居而加惠于後學敏中不以勢利相尙而盡力於遺書有子如是先生爲猶生矣後之人當知是書有功于斯文不細也先生姓潘氏諱昂霄字景梁學者稱之曰蒼崖先生官至翰林侍讀學士通奉大夫謚文僖有蒼崖類稿若干卷云至正五年春三月鄱陽後學楊本敘

聖人春秋褒貶著于筆削者謂之例國家政刑賞罰見于

制度者謂之例是皆以其可爲法于天下後世也。濟南文
僖潘公蒼崖先生取古昔碑碣鐘鼎之文提綱舉要條分
類聚定爲十卷名曰金石例一卷至五卷則述銘志之始
而於貴賤品級塋墓羊虎德政神道家廟賜碑之制度必
辨焉六卷至八卷則述唐韓文括例而於家世宗族職名
妻子死葬月日之筆削特詳焉九卷則先正格言十卷則
史院凡例制度筆削于此又可以概見焉使世之孝子慈
孫觀其制度之等則思得爲而爲不得爲而不爲而于事
親之道不至違禮矣觀其筆削之旨則思孰爲可傳孰不
可傳而於揚名之道有以自力矣是豈惟爲文者之助于


世教將重有補焉公之子敏中來官于饒出是書以示余
因得以觀夫公之篤意斯文而又喜斯文之有賢子以傳
也遂爲之引至正乙酉春三月望賜同進士出身將仕郎
前慶元錄事鄱陽後學傅貴全序

文章先體製而後論其工拙體製不明雖操觚弄翰于當
時猶不可況其勒于金石者乎陸士衡文賦論作文體製
大畧可見由先秦以來迄于近代金石之所篆刻具有體
製好古博雅之士皆不可以不之考也然而自上徂下貴
賤有等名器亦因之而異數敘事紀實抑揚予奪必當有
所法自非類聚而通考之何以見之哉翰林蒼崖先生潘

公雄文博學爲當世所推嘗歷攷古今文辭提綱舉要萃
爲一編名曰金石例凡爲文之槩度制器之楷式開卷瞭
然其用心亦勤矣公之子敏中寶其手澤罔敢失墜宦游
四方必載與俱其在番易復刊是編以廣其傳且與吾黨
共之噫公掌帝制司文衡其所以藻飾太平者已無所不
盡其忠敏中克承家學益彰其親之美斯亦繼志述事之
孝者乎忠孝萃于一門文物昭于盛世使夫爲人臣爲人
子皆有所矜式實有功于名教豈特爲文之助而已哉余
故表而出之以冠篇端云至正五年春三月饒州路儒學
教授桐川後學湯植翁序

三代無文人六經無文法儒者有是言也然春秋大義數十以褒貶寓於一字之間傳者謂其發凡以言例皆經國之常制周公之垂法諸稱書不書先書故書不言不稱書曰之類皆所以起新舊發大義謂之變例至謂發傳之體有三而爲例之情有五然則謂無法可乎後世之文莫重於金石蓋所以發潛德誅姦諛著當今示方來者也如是而不知義例其不貽鳴吠之誚也幾希翰林蒼崖潘先生動必稽古取先代碩儒所爲文類而集之題曰金石例視傳春秋者所言如合符節俾夫攷古者知古人用意之所在而學古者有所矜式而不敢肆其嘉惠斯文不其至乎

至正丁亥予忝教番禺公之子敏中爲理官嘗屬郡士楊
本端如緝其次第旣已刻于家而公諸人學之賓師景陽
吳君旭子謙吳君以牧謂此書將歸中州則邦之人焉能
一一而見之哉盍列之學官以垂永久乃復加校正而壽
諸梓於乎古人吾不得而見之矣得見古文斯可矣明年
戊子夏六月旣望廬陵王思明謹敘



金石例序

柳貫

六經惟春秋有例謂其以一字制褒貶可舉此而通彼也
史氏用其法載言紀事故亦有凡有例然春秋帝王經世
之大權太史公倣之以爲史記徒例云乎哉自先秦兩漢
而下論撰功業爲銘爲誄著之金石其斧袞侔乎春秋其
銖量槩乎史氏使無例以爲之統紀則漫且靡矣金石例
之作其殆得諸此乎昔予入教國子潘文僖公以集賢侍
讀學士領大司成每休暇造公見其簡冊紛披筆墨交錯
稍卽問公此何爲耶公曰吾脩金石例彙聚旣繁資取亦
富固若是耳予甚疑焉以爲言之精者爲文推原事始究

極物變抑揚開闔傍通互用求之於例例盡則止孰若求之無例之例爲有得乎方將從公寤疑而公沒于是餘十年矣公之嗣子同知嘉定州事某乃出斯文言將刻梓以承公志請予序予蓋始得而觀之斯例也先括例次類例取于韓氏者十嘗八九謂韓之鉅文起八代之衰繭而反之于正有春秋屬辭比事之教焉而例在其中矣懿哉公之用心也肆今而後治金伐石誅德銘功示一王之製作垂景繅於無窮則斯例之傳其亦有功于韓者哉由是而充之雖至于春秋史記可也元統二年歲次甲戌春正月

七日

金石例卷之一

濟南 潘昂霄 景梁

○碑碣之始

禮記檀弓下季康子之母死公肩假曰公室視豐碑

註言視者時僭

天子也豐碑斲大木為之形如石碑於椁前後四角樹之穿中於閒為鹿盧下棺以綽繞天子六綽四碑前後各重鹿盧也

三家視桓楹

註時僭諸侯諸侯下天子也斲之形如大楹耳四植謂之桓諸侯四綽二碑碑如桓矣大夫二綽二碑士二綽無碑疏視比擬之辭也斲大木為之形如石碑者

禮廟庭有碑故祭義云牲入麗于碑儀禮每云當碑揖此云豐碑故知斲大木為碑也云於椁前後四角樹之者謂椁前後及兩旁樹之角落相望故云非正當椁

四角也云穿中於閒為鹿盧者謂穿去碑中之木令使空於空閒著鹿盧兩頭各入碑木云下棺以綽繞者綽即紼也人各背碑負紼末頭聽鼓聲以漸却行而下

之案春秋天子有隧以羨道下棺所以用碑者凡天子之葬掘地以為方壙漢書謂之方中又方中之內先累椁於其方中南畔為羨道以蜃車載柩至壙說而載

以龍輅從羨道而入至方中乃屬紼於棺之緘從上而下棺入於椁之中於此時用碑綽也又云以言視桓楹不云碑知不似碑形故云如大楹耳通而言之亦

三代時廟碑
以麗牲墓碑
以下窆故皆
有圓穿而無
文字
漢碑雖已無
為紼之事然
今隸釋隸續
及金石圖所

見猶皆有穿
穿旁有量其
量或從穿中
出或自穿外
起且有因穿
而廢其碑之
三五字者蓋
引緯之制猶
存
今偏僻府州
縣處所猶有
在大堂前居
中立石者此
即官必有碑
之遺也

韻會舉要碑字

謂之碑也云四植謂之桓者案說文桓亭郵表也謂亭郵之所而立表木謂之桓
即今之橋旁表柱也今諸侯二碑兩柱爲一碑而施鹿盧故云四植謂之桓也周
禮桓圭而爲雙植者以一圭之上不應四柱但琢爲二柱象道旁二木又宮
室兩楹故雙植謂之桓也大夫亦二碑但柱形不得麤大所以異於諸侯也

註說文豎石紀功德從石卑聲徐曰按古宗廟立碑以繫牲耳後人因於其上紀
功德此碑字從石秦以來制也七十二家封禪勒石不言碑七十二家封禪之言
始于管仲不言碑穆天子傳乃爲名迹于弁茲石上亦不言碑也銘勒功德當始
于宗廟麗牲之碑也又祭義麗牲疏賈氏曰官必有碑士昏禮聘禮八門當碑揖
則大夫士廟內皆有碑鄉飲酒鄉射三揖則庠序之內皆有碑據祭則諸侯廟內
有碑碑所以識日景觀碑景邪正以知早晚宮廟用石爲之葬碑取懸繩緯暫時
往來運載當用木而已喪大記註天子用大木爲碑謂之豐碑諸侯樹兩大木謂
之桓楹檀弓註鄭氏曰斲大木形如石碑於椁四角樹之穿中爲鹿盧下棺以緯
繞天子六緯四碑諸侯四緯二碑士二緯無碑又釋名云碑被也葬時所設臣子
追述君父之功以書其上徐曰劉熙言起於懸棺之碑者蓋今神道碑也初學記
碑悲也所以悲往事今人墓
隧宮室之事通謂之碑矣

事祖廣記云管子曰無懷氏封泰山刻石記功秦漢以來

神道之立石
始於漢然但
標某之神道
以表識之爾
未有文辭

始謂刻石曰碑蓋因喪禮豐碑之制也刻石當以無懷

為始而名焉自秦漢也

陸龜蒙笠澤叢書曰碑悲也古者懸而窆用木書之以表其功德因留之不忍去碑之名由是

而得自秦漢以降生有功德政事者亦碑之而又易之以石失其稱矣此又德政有碑之起也陸法言廣韻曰碑碣李斯造宜始于嶧山之刻爾釋名曰本葬時所設臣子追述君父之功以書其上

事祖廣記云古之葬有豐碑以窆秦漢以來死有功業生

有德政者皆碑之稍改用石因總謂之碑晉宋之世始

又有神道碑天子及諸侯皆有之

其刻文止曰某帝或某官神道之碑今世尚有宋文帝神道碑

墨本也其初由立之于葬兆之東南地理家言以東南為神道故以名碑爾案後漢中山簡王薨詔為之修冢塋開神道註云墓前開道建石柱以為標謂之神道是則神道之名在漢已有之既云墓前開道則非因地理家之說可知也晉宋之後易以碑刻云故不專指東南也

墓誌墓碑文辭各異

如云千歲之後陵谷變遷知其為良吏之壙其勿毀焉又云兩嶺鴈行同域也而不同藏之類止可施于墓內

孔子墓中得
後世一男子
自稱秦始皇
之辭則墓誌
斷自三代有
之

不可作碑用。如文詞有可通用則或為墓誌或為墓道之碑亦可也。但碑上不言誌字。止曰某官某人墓碑或云墓碣。

○墓誌之始 博物志載西京時南宮殿殿有醜儒王史威長墓銘八句凡三十二字則亦如趙岐刻石僅識時代姓名而已此為墓誌之始

事祖廣記云炙轂子曰齊王儉云石誌不出禮典 石誌一作木誌 按

齊太子穆妃將葬議立石誌王儉曰石誌不出禮經 起宋元嘉中顏延之為王琳 一作王彌 作石

誌以其無銘誄故以紀行自爾遂相祖習 然魏侍中繆襲改葬父母制墓下埋

文將以陵谷遷變欲後人有所聞知但記姓名歷官祖父媿媿而已有德業則為銘文又隋代釀家於王戎墓得銘云晉司徒安豐元公王君之銘有數百字則魏

晉已有其事不起於宋也馮鑑續事始云按西京雜記前漢杜子春一作杜子夏臨終作文命刻石埋于墓前恐墓誌因此始也子謂昔吳季札之喪孔子銘其墓

曰嗚呼有吳延陵季子之墓莊子衛靈公葬沙丘掘得石椁銘曰不馮其子靈公奪而埋之唐開元時人有耕地得比于墓誌刻其文以銅盤曰右林左泉後岡前

道萬世之寧茲焉是保漢滕公夏侯嬰得定葬石銘曰佳城鬱鬱三十年見白日吁嗟滕公居此室則墓之有誌其來遠矣

○碑碣制度

宋元始分
品秩神道
之名專屬
貴人

諸碑碣

其有皆須實錄
不得濫有褒飾

五品以上立碑螭首龜趺二品以上上

高不得過一丈二尺五品以上上高不得過九尺七品

以上立碣圭首方趺上高四尺其執政官以上聽立墳

峯

三品以上神道碑碑於墓隧道之左面南立螭首龜趺

有依品從合得尺寸

見儀制今更欲
檢之此未盡也

司馬公曰按令式墳碑石獸大小多寡各有品數

然葬者
當為無

窮之規後世見此等物安知其中不多藏金玉耶是皆無益于亡者而反
有害故令式又有貴得同賤賤不得同貴之文然則不若不用之為愈也

五品以下不名碑謂之墓碣圭首方座以上石人石柱

石羊石虎各有合得之數

南朝時嘗有墓誌之禁故今有石刻出土者皆僅載官爵不敘功勳

○墓誌制度

墓誌納之墓中。柩前平放。其狀如方石。斗二底。撮面平而

不凹。大小無定制。

上一斗於平面上大字題某官某人墓誌。銘曾見古墓中。石誌制度如此。又記上一斗止寫某人墓

誌不書銘字。下一斗上作小字書前一行。刻云某官某人墓誌。銘并引。或言有序。或言并序。後書序及銘。刻畢以丹填之。上下二斗字並用丹填。二斗相合。四角以薄石片摺起。摺石如錢大厚薄。如錢之石易於壓碎。今易以小亦如之。但要二石實相壓着。鐵片較古制為安。

家禮云下誌石

云墓在平地則於壙內近南先布輒一重置石其上。又以輒四圍之而覆其上。若墓在山側峻處則於壙南數尺間掘地深四

五尺依此法埋之

○墓表制度

家禮云墳高四尺。立小石碑于其前。亦高四尺。跌高尺許。

按孔子防墓之封。其崇四尺。故取以為法。用司馬公說。別立小碑。但石須闊。尺以上。其厚居三之二。圭首而刻其面。如誌之。蓋乃畧述其世系名字。行實而刻于其

左轉及後右而周焉婦人則俟夫葬乃立面如夫亡誌蓋之刻云

此無貴賤必當建立

墓表石立於墓前

就地埋定上題云某人之墓無文辭墓雖無碑者亦當立此石

○石人羊虎柱制度

事祖廣記云炙穀子曰秦漢以來帝王陵寢有石麟辟邪

兕馬之屬人臣墓有石人羊虎柱之類皆表飾墳壠如

生前儀衛

風俗通曰方相氏葬日入壙驅罔象罔象好食死人肝腦人臣不能備方相乃立其象于墓側又罔象畏虎與栢故頂上栽栢路前

立虎也盧思道西征記曰新城西有漢旌陽太守趙起墓有石柱東南有亭因名柱為表漢霍去病墓像祁連山立石人馬然則墓前之立石人柱羊虎之類皆起于漢也又唐王建北邙行云山頭澗底石漸稀盡向墳前作羊虎

金制諸葬儀一品官石人四事石虎石羊石柱各二事二

品三品減石人二事四品五品又減石柱二事

此亦今所宜
仿或不幸而
有荒子孱孫
非此將無以
辨其昭穆所
在

(一)墓圖

古金石例云墓圖作方石碑先畫墓圖有作圓象者內畫

墓樣各標其穴某人其石嵌之祭堂壁上無祭堂則

嵌圍牆上

韓魏公父墓圖今有此石歲久臥之牆外

宗久圖碣一一埋中宮之下一立中宮之上太原以墳塋

中心爲宅神亦中宮之義也

祭堂瓦花頭皆寫云某氏千秋墓

花頭瓦其花頭刻云宗氏千秋今石刻在申州刺史宅凡祭堂二於中宮左右建

家禮云刻誌石

用石二片其一爲蓋刻云有宋某官某公之墓無官則書其字曰某君某甫其一爲底刻云有宋某官某公諱某字某某州某

縣人考諱某某官母氏某封某年月日生攸歷官遷次某年月日終某年月日葬于某鄉某里娶某處某氏某人之女子男某某官女適某官某人婦人夫在則蓋云有宋某官姓名某封某氏之墓無封則云妻無官則書夫之姓名夫亡則云某官某公某封某氏夫無官則云某君某甫妻某氏其底敘年若干適某

今合甲亦
自有制與
此大同小
異

氏因夫子致封號無則否葬之日以二石字面相向而以鐵束束之埋之壙前
近地面三四尺間蓋慮異時陵谷變遷或誤為人所動而此石先見則人有知
其姓名者庶
能為掩之也

諸墳塋地一品四面各三百步

長周不等者以積步折之餘準此

二品二百五

十步三品二百步四品五品一百五十步六品以下

一百步庶人

不敘使官餘條葬無文者並準此

及寺觀各三十步若經恩

錫及山谷內已業荒田者不在步數之限

○古今碑石同異

漢碑額皆題某君之碑惟曲阜孔君碑出土額止孔君之墓四字其文簡質其石縱橫皆二尺蓋即墓誌也

漢碑有銘辭亦有無者今亦然

謂神道碑并墓碣有銘辭者有無銘辭者今碑碣亦然也

墓碑無銘辭刻墓前石柱上亦有刻在碑上者

墓地之廣狹墓碑之尺度以及石人羊虎名數之殊

在今日自有

金石例卷之一終

○古
國家令典不當泥古觀此則可以知所從來而不貿
於施矣

金石例卷之二

濟南 潘昂霄 景梁

金石文之始

周禮王功曰勲國功曰功民功曰庸事功曰勞治功曰力
戰功曰多凡有功者銘書于王之太常

禮記曰夫鼎有銘銘者自名也自名以稱揚其先祖之美
而明著之後世者也爲先祖者莫不有美焉莫不有
惡焉銘之義稱美而不稱惡此孝子孝孫之心也唯
賢者能之銘者論撰其先祖之有德善功烈勲勞慶
賞聲名列於天下而酌之祭器自成其名焉以祀其

先祖者也。顯揚先祖，所以崇孝也。身比焉，順也。明示後世教也。夫銘者，壹稱而上下皆得焉耳矣。是故君子之觀於銘也，既美其所稱，又美其所爲。爲之者明，足以見之；仁足以與之；知足以利之，可謂賢矣。賢而勿伐，可謂恭矣。故衛孔悝之鼎銘曰：六月丁亥，公假于大廟，公曰：叔舅乃祖，莊叔左右。成公成，公乃命莊叔隨，難于漢陽，卽宮于宗周，奔走無射。啟右，獻公獻公，乃命成叔纂乃祖服，乃考文叔興舊者，欲作率慶。士躬恤衛國，其勤公家，夙夜不解，民咸曰：休哉！公曰：叔舅子女，銘若纂乃考服，悝拜稽首曰：對揚以辟之。

勤大命施于烝彝鼎此衛孔惻之鼎銘也古之君子
論譔其先祖之美而明著之後世者也比其身以
重其國家如此子孫之守宗廟社稷者其先祖無美
而稱之是誣也有善而弗知不明也知而弗傳不仁
也此三者君子之所恥也昔者周公旦有勲勞於天
下周公既歿成王康王追念周公之所以勲勞者而
欲尊魯故賜之以重祭外祭則郊社是也內祭則大
嘗禘是也夫大嘗禘升歌清廟下而管象朱干玉戚
以舞大武八佾以舞大夏此天子之樂也康周公故
以賜魯也子孫纂之至于今不廢所以明周公之德

而又以重其國也

春秋左氏傳曰季武子以所得於齊之兵作林鍾而銘魯功焉臧武仲謂季孫曰非禮也夫銘天子令德諸侯言時計功大夫稱伐今稱伐則下等也計功則借人也言時則妨民多矣何以爲銘且夫大伐小取其所得以作彝器銘其功烈以示子孫昭明德而懲無禮也今將借人之力以救其死若之何銘之小國幸於大國而昭所獲焉以怒之亡之道也

國語曰昔克潞之役秦來圖敗晉功魏顆以其身卻退秦

師於輔氏親止杜回其勲銘於景鐘

克勝也魯宣十五年六月癸卯晉荀林父將滅

赤翟路氏七月秦桓公伐晉次於輔氏晉景公治兵以畧翟土及潞魏顆敗秦師於輔氏獲杜回景鐘景公鐘

○碑式碑式之可法者固多舉其一二以爲式後皆放此當類推之

衢州徐偃王廟碑韓退之平淮西碑 曹成王碑

南海神廟碑 處州孔子廟碑 柳州羅池廟碑

黃陵廟碑 箕子碑柳子厚 道州文宣王碑

柳州文宣王碑 終南山祠堂碑 太白山祠堂碑

湘源二妃廟碑 饒娥碑 南霽雲睢陽廟碑

后土神祠碑張說 唐天下放生池碑顏真卿 禹穴碑鄭

表忠觀碑蘇子瞻 潮州韓文公廟碑 伏波將軍廟碑

壽域碑王元之 四皓廟碑 披雲堂碑馬子才

東平行臺嚴公祠堂碑元遺山

祭孤魂碑杜止軒

文子廟碑郝伯常

漢高祖廟碑

漢光武廟碑

處士管寧廟碑

○碑陰文式

碑陰文柳子厚

碑陰記

大明碑陰

先友記

處州孔子廟韓文公碑陰記杜牧之

○德政碑之始

事祖廣記云自秦漢以來死有功業生有德政者皆記之稍改用石因總謂之碑

○德政碑式

德政碑今雖有禁不得作然自秦漢有之文章家自不當去此

明州王密德政碑李舟

易州刺史田仁琬德政碑蘇靈芝

高陵縣令劉君德政碑劉禹錫

○墓碑式

清邊郡王楊燕奇碑文

韓退之

權公墓碑

劉統軍碑

王黃華墓碑

元遺山

寄菴先生墓碑

費縣令郭明府墓碑

宣武將軍孫君墓碑

○神道碑之始

事祖廣記云晉宋之世始又有神道碑天子及諸侯皆有之其刻文止曰某帝或其官神道之碑今世尚有宋文帝神道碑墨

本也其初獨立之於葬兆之東南地理家言以東南為神道若神靈出遊道之意故以名碑爾唐李夷簡臨終敕無碑神道

○神道碑式

唐銀青光祿大夫守右散騎常侍致仕上柱國襄陽郡

王平陽路公神道碑銘

韓退之

唐故河東節度觀察使

滎陽鄭公神道碑文

唐故中散大夫少府監胡良公

墓神道碑 唐故江南西道觀察使贈左散騎常侍太

原王公神道碑 司徒兼侍中中書令贈太尉許國公

神道碑銘 湖州長城縣令崔孚神道碑纂天

平章政事壽國張公神道碑遺山沁州刺史李君神道碑

朝散大夫胡公神道碑 內相文獻揚公神道碑

轉運使王公神道碑 禮部尚書趙公神道碑

內翰馮公神道碑 國子祭酒馮公神道碑銘

東平行臺嚴公神道碑 尤虎公神道碑

刺史馬公神道碑銘 康公神道碑銘

劉氏先塋神道碑 完顏公神道碑

畢侯神道碑銘

千戶趙君神道碑

○家廟碑式

立家廟自有品從

唐人三品以上得立餘不得立碑與墓碑制度同曾見永寧縣西寺有文潞公家廟碑是司馬溫公撰制度與墓碑

同其陰今磨之刻寺記矣家廟碑立之家廟前

司馬溫公撰文潞公家廟碑

其略云公以廟制未備不敢作主用晉荀安昌公祠制作神板宋唐周元陽議祀以

元日寒食春秋分冬至夏至致齋一日又以或受詔之四方不常其居雖見書儀乃酌古諸侯載遷主之義作車奉神板以行此皆禮之從宜者也

○先廟碑式

烏氏廟碑銘

壬辰詔用烏公為銀青光祿大夫河陽軍節度使兼御史大夫封張掖郡開國公居三年河陽稱治詔贈其父工部尚書且曰

其以廟享即以其年營廟于京師崇化里軍佐竊議曰先公既位常伯而先夫人無加命號名差卑于配不宜語聞詔贈先夫人劉氏沛國太夫人八年八月廟成

三室同宇祀自左領府君而下作主于第乙巳升于廟

魏博節度觀察使沂國公先廟碑銘

廟碑所起雖自漢人然椎輪之始義在樸略其文不足法此一體當以唐人爲標則

田宏正始有廟京師謹案魏博節度使銀青光祿大夫檢校工部尚書兼魏州大都督府長史御史大夫沂國公田宏正北平盧龍人故爲魏博諸將忠孝良慎田季安卒其子幼弱用故事代父人吏不附迎宏正於其家使領軍事宏正籍其軍之衆與六州之人還之朝廷悉除河北故事比諸州故得用爲帥已而復贈其父故滄州刺史兵部尚書母夫人鄭氏梁國太夫人得立廟祭三代曾祖都水使者府君祭初室祖安東司馬贈襄州刺史府君祭二室兵部府君祭東室 **袁氏**

先廟碑

袁公滋既成廟明歲二月自荆南以旂節朝京師留六日得壬子春分率宗親子屬用少牢于三室既事退言曰嗚呼遠哉維世傳德龔訓集

余乃今有濟今祭既不薦金石音聲使工歌詩載烈象容其美以飭稚昧于長久惟敬繫羊豕幸有石如其著先人名跡因爲詩繫之語下于義其可雖然余不敢必屬篤古而達于辭者遂

丞相崔圓廟碑

始立廟洛邑曰考廟王考廟皆二丈有七從四尋衡八尋二戶

立楹外垂四阿巧塤彩繪施以丹艘齋室豐室庭垣稱之禮曰以勞定國則祀之能禦大災則祀之能捍大患則祀之是宜廟食以銘于鼎古者諸侯立五廟

有鼎與樂有國之制侯伯有爵而無土廟有鼎祭樂不克立五廟而立三廟不銘于鼎而銘于碑韓雲卿

南康郡王韋臯先

廟碑萬物本乎天人本乎祖乃立宗廟以交神明古者揚其功烈銘于祭器近古以魯鐘衛鼎追琢先德不若鏤文字于麗牲之碑之爲詳也乃謹而

書之權 **丞相代國公王涯先廟碑** 唐制五等有爵服而無山川登于三載之

此子孫升擢
後重改廟祠
之式

此主人在外立
廟故里命子弔
攝事之式

此唐以前所
無起於宋亦
不足法也

先報本以輔孝治有國之令典也唯長慶三年前相國王公始卜廟于西京崇業里公時鱗劔南東川上章曰臣涯官秩印綬品俱第三請如式以奉家廟制曰可
是歲仲冬申命長男孟堅祔其主于三室明年公八為御史大夫復以十一月親行丞嘗問歲公出梁州就拜司空禮崇數異廟加祀室太和二年增新室既成祔
顯考于尊位告彭陽郡公令狐楚先廟碑今上元年七月具官令狐
饗由禮劉禹錫公西嚮拜章上言守臣楚
蒙被恩深列于元侯得立家廟以奉常祀制書下其奏于有司于是善相考祥得
地于京師通濟里居無何新廟成公以守藩故申命季弟監察御史定卜性練日
越八月丁亥祔饗三室培墉以尚幽設右僕射趙郡李紳先廟碑王建
幄以迎精理無尤遠神用寧謐劉禹錫
侯侯建廟廟有器器有銘所以論譔先德明著後代或書于鼎或文于碑古今之
通制也齋沐祗懍拜章上言請立其廟以奉常祀于是得請于天子承式于有
司是歲某月某日經始于東都明年某月某日有事于
新廟外盡其物內盡其志三獻百順神格禮成自樂天

○先塋先德昭先等碑之始

蒼崖先生曰先塋先德昭先等碑例似與神道碑墓誌等

碑不同

先塋先德昭先等碑創建于國朝已前唐宋金皆無之所書三代并妻子例似與神道墓誌不同也

○先塋先德昭先等碑式

安肅郝氏先塋之碑

宜差五路萬戶郝侯和尙貞祐 今年夏五月侯朝行闕對于幄殿者餘七十日且以上廐馬二西

域馬三形弓四鎧胄三金錦三井金虎符錫之夫人劉氏亦拜雙錦之賜 按郝氏安肅人葬于縣之元兔鄉千秋里者不知幾昭穆矣曾大父諱廣資善良有陰德聞里中年八十三遇異人教之良禁齒髮更生又十年乃終妣曰劉氏大父諱全任俠尙氣勇于赴難有朱家郭解之器妣曰田氏生二子侯之父諱增氣節豪宕人多歸之不幸蚤世妣曰孫氏從上三世皆潛德不耀獨叔父彥自承平時以貲爲恩州酒務使次令安肅迄今康甯壽考坐饗榮養歲時問安孫息滿前郝宗陽報之慶斯濫觴也雖侯襲已積之善擁方來之福而生子如此祖考可以無恨矣元遺山

大丞相劉氏先塋神道

碑

謹按劉氏世居宣德縣北鄉之青魚里孝弟力田蓋有年矣曾大父雲自遼日爲大家有子四人曰璋曰瓊曰玆曰璜玆之子四人顯仁字仲明祖仁字

仲昌用仁字仲至體仁字仲康仲至府君卽公之考也公家故大族 府君娶同鄉李氏生三子長敦字德厚季効字德信皆無祿早世公其第二子也自大父以來不常厥居有其先塋止于青魚西北原而已 夫忠以報國孝以起家立身行道之義彰憤終追遠之德厚不有金石後裔何觀乃爲之銘公名某字德柔以小字某行八子某其 歸德府總管范陽張公先德碑 范陽張公漢臣遺其叅佐陳玠長已襲世爵云

李侃侯珙自曹南走書幣及子于順天書謂子曰子良不敏爰自束髮以良家子隸軍籍轉戰南北將四十年馮藉先世積善之舊生還鄉國乃辛丑某月得用侯伯之服之禮展省墳墓考之令甲諸仕及通貴廟與墓俱有碑應用螭首龜趺之制竊不自揆度思得文士之見信于人者撰述之 維張氏族出范陽其家于縣東仇家里者不知其幾昭穆矣自公曾大父甲而下皆隱德不耀大父臣甫資稟高亮 壽八十有七怡然坐逝祖妣王氏李氏生子三人其季諱珪純質有父風明昌王子之夏三水泛濫漂壞廬舍至于止隴亦為湮沒珪與長女李乘船筏百計訪求僅得祖考遺骸于泥淖之下其瀕于死者屢矣妣宋氏慈仁勤儉孝于舅姑生子二人長即公次日子明仕為鄜州洛郊主簿母有前識謂公材幹特達後當貴顯常戒之母妄殺以仁愛為懷墓故在三水之陽懲創水禍改其陰乃在所居之西南原見于辛丑新阡者特二世耳初大安兵興公以材選為軍中千夫長 故子既論次其先德并以公出處附之欲人知張氏所以起其宗者蓋如此

龍山趙氏新塋之碑

歲癸酉冬十月先太師以王爵統諸道兵長驅而南 癸卯冬十月侯介于同官李稚川周才卿為

子言吾趙氏世居保塞以仕遷大梁五代末有諱匡穎者官至靜江軍節度使兼桂州管内觀察使弟匡衡及八世孫襄登仕于宋皆至通顯金朝兵破大梁吾家例為兵所驅盡室北行至龍山遂占籍焉雖譜牒散亡而其見于祖塋石誌者蓋如此振王之曾大父坤隱田間致貲巨萬娶王氏生大父憲資侷儻好施予人多以急難歸之娶馬氏生子八人吾父琳其第四子也幼出大家頗以裘馬自喜由大父而上皆葬鄉里振王之考妣兵亂中權厝縣西佛寺比避兵還而寺屋被

焚遂失藁殞所在 乃用故事卜于平棘縣西北鄉蘇村里之南原為顯考衣冠之藏日者室人冀氏物故因從耐焉維遠祖自保塞遷大梁既無歲月可考自大梁遷龍山則僅能志之今南原上宅亦吾趙宗之大舉不勒之金石以昭示永久後世其謂我何誠得吾子辱以文賜之為幸多矣敢再拜以請 下邳

劉氏先德碑銘

下邳劉氏其先世皆滄人自總管而上其世系名諱與其仕宦可知者凡四世高祖父諱辛仕金官至顯武將軍軍

資庫使符離縣尉升下邳令子二人長曰思誠次曰思謙業儒術有子二人曰元日珍元早卒珍字子玉 年八十二以壽終配樂氏潘氏子二人曰榮曰顯其一

早卒皆樂氏所出榮字德茂 至元十一年正月卒享年七十有六配邢氏子男

二人長曰源承事郎樂安州判官娶徐氏子男二人曰某次即總管傑也娶謝氏

前卒繼娶郭氏靈壽縣尹敏之女子男七人 傑字漢卿 自曾大父以上皆葬

下邳巨山之陽自祖父以下皆葬益都今將補松楸之闕展拜掃之儀願得子之

交割之貞石 乃為次第其世 彰德總管孫公先塋碑銘 公之曾大

數事跡而繫之以銘王鹿庵 氏四子慶祐慶文慶元祿和慶元則公之大父也娶趙氏有婦德二子威平平早

世威即公之考也年若干終于某官杜氏年八十八下及五世孫疾公率其子拱

振等諸孫謙諧誼等以問 然而公未老專業尙未既而拱有才氣 懷孟萬

謙既能以世其業云予他日又可以考其淺深厚薄於此也劉夢吉

戶劉公先塋碑銘

按顯曾祖考諱德安隱居不仕妣張氏楊氏顯祖考祔陽府君諱寶資幹奇偉氣畧過人 享年若干妣李氏

楊氏姜氏顯考蒲陰府君諱世鼎不避矢石竟被創而廢享年若干妣齊
氏張氏三世皆葬祁州蒲陰之北鄉百長原其家宗支則有圖列碑陰 龐氏

墓道先德碑銘

曾祖其次居十然以次推十曾外二伯曾則兄猶七人其下有季叔無耶昆弟耶從父從祖之昆弟耶所不可知姑

計是十家子孫將不百人而止咸盡于賊惟十曾一子祖府君諱智者存 考府君生六年當至元改明年己丑夏五月二十有八日以卒年七十七 考府君即

墳喪之仲應亦卒

仲温以他求出異以九年戊辰十一月二十有七日卒年止

四十七從葬先塋諸姑四人皆歸鄉人詠昆仲二人合仲父季父子各四人為十

人輅銀符由同提舉興州採木司主洛水簿卒子文柳文振詠

子文括文播承顏合諸父之子男十二人女十一人姚牧菴

鄒平賈氏昭

先之碑

賈氏世為濟南鄒平人祖諱某以敦斲自尙二子長諱某次諱某尙書君父也卒年六十四配王氏 癸巳三月二十日年七十卒二子

曰馴致道君曰某以字顯監濱州稅孝友有為四女長

適王氏次李氏次段氏次王氏皆濟南盛族劉中菴

○賜碑名號之始

退朝錄云唐太宗自撰魏元成碑德宗亦撰段秀實碑本

朝太宗撰中令趙公碑皇祐中王侍郎子融守河中

還乃以唐明皇所題裴耀卿額上之仁宗遂御篆賜
沂公碑曰旌賢

○賜碑名號式

旌賢王沂公碑

懷忠呂許公碑

顯忠李忠武公碑

旌忠寇萊公碑

全德元老王太尉碑

教忠積慶文

潞公父洎碑

親賢李侍郎用和碑

褒親齊國獻穆

公主碑

旌功曹襄悼碑

崇儒丁文簡碑

舊覺晏

元獻碑

舊德張鄧公碑

顯先積慶趙中令子鼎昭

碑

旌忠懷德張侍中耆碑

儒賢高文莊碑

思賢

李相沆碑

褒賢范文正公碑

旌忠元勳狄忠襄碑

覺乃學字
之訛

褒忠陳恭公碑 清忠王武恭碑 純孝張文孝碑

忠規德範宋元憲碑 淳德守正呂文穆碑 大儒元

老賈公碑

賜碑名號卽昔賢所稱別製四字之式今制賜卹貴
公亦皆賜碑由翰林院撰文而無賜額之事耳

金石例卷之二終

西漢已有醇儒王史東漢則有元儒婁先生其他曰
孝廉曰貞女曰有道蓋皆名號所從始

劉石室初刊本

朱子公集

出處與初刊本同

與初刊本同

金石例卷之三

濟南 潘昂霄 景梁

○碣式

國子司業陽城遺愛碣

公名城字九宗家于北平隱于條山惟公端粹冲和高疑懿醇道德仁明孝愛友悌薰襲里閭

此純乎漢碑體制而義又加精者也

書其官克任其官者也

布聞天下守節貞固患難不能遷其心怡性坦厚榮位不足動其神為司諫義震于周行為司業愛加于生徒宜乎立石俾後是憲其辭曰惟茲陽公履道葆醇爰初隱聲覆簣基仁德充而形乃作諫臣抗忠勵義直道是陳帝求師儒貳我成均開朗蒙滯宣明德教大和潛布玄機密照羣生聞禮後學知孝進退作則動言是效匪公之軌人用奚蹈麤厲貪凌待公順之欺偽誦詐待公信之少年申申咸適其宜楨楚廢弛尊嚴而威公褒其良俾升于堂癯者既肥榮如衮衣公棄不用懲咎內訟既訟于內猶公之誨匪仁孰親匪德孰尊今公于征孰表儒門生徒上言稽首帝閣謂天蓋高曾莫我聞青衿涕濡填街盈衢遠逸于南望慕踟躕立石書德用揚懿則嗚呼

故御史周公碣

有唐貞臣汝南周氏諱某字某以諫死葬于某貞元十二年柳宗元立碣于其

斯文遺愛罔極墓左在天寶年有以諂諛至相位賢臣放退公為御史抗言以白其事得死于堀下史臣書之公之死而佞者始畏公議銘曰忠為美道是履諫而死佞者止史

之志石以紀
為臣軌兮

故秘書省校書郎獨孤君墓碣

嗚呼有唐仁人獨孤君
之墓耐于其父太子舍

人諱助之墓之後自其祖贈太子少保諱問俗而上其墓皆在霸水之左今王父
營陵于其側故再世在此君諱申叔字子重年二十二舉進士又二年用博學宏
詞為校書郎又三年居父喪未練而歿蓋貞元十八年四月
五日也是年七月十日而葬鄉曰某鄉原曰某原柳子厚

○墓碣式

故兵部郎中楊君墓碣

君諱凝字懋功貞元十九年正月某日守尚
書兵部郎中楊君卒某月日葬于奉先縣某原

既葬其子姪洎家老謀立石以表于墓葬令曰凡五品以上為碑龜趺螭首降五
品為碣方趺圓首其高四尺按郎中品第五以其秩不克偕降而從碣之制其世
系則紀于大

故萬年令裴府君墓碣

公諱瑾字封叔河東聞喜人太尉

墓柳子厚
實曾祖刑部員外郎府君諱稱實祖大理卿府君諱徹實父豕子銑奉柩以明
年月日克葬于墓銑以文書來柳州告其叔舅宗元願碣于墓左則涕為之銘

○墓誌式

故尚書戶部郎中魏府君墓誌

魏氏世墓于某縣某原唐興有聞
士諱之邊者與子及孫咸舉進士

嗣為儒家綿州涪城尉諱全瑤魏州臨潢主簿諱欽慈太常主簿諱緄尚書膳部員外郎兼江陵少尹諱萬成凡五代名高而不浮于行才具而不得其祿江陵府君益之以閎達之量經緯之謀故豪士賢大夫痛慕加厚生郎中府君諱宏簡字曰裕之以文行知名監察御史柳宗元聞其道而玩其文也久居又同開故哀

而銘之 **故朝散大夫永州刺史崔公墓誌**維元和五年九月十五日壬子永州刺史崔公

柳子厚 薨于位享年六十八乙未殯于路寢景寅遷神于舟以某年某月日歸葬于某縣某原耐于皇考吏部侍郎贈戶部尚書府君之墓 公前夫人徐州參軍滎陽鄭

鉅女有子曰義和早夭後夫人萬年尉范陽盧彤女嘉淑之德繼聞宗族有子曰貽哲貽儉克承于家伯公之兄子曰勵曰禮誠願誌于墓無忘公之德 **安南**

都護張公誌八諱舟字某某郡人也曾祖彥師朝散大夫尚書駕部郎中祖瑾懷州武德縣令考清朝議郎試大理寺丞贈右贊善大夫咸

有懿美積為餘慶公以忠肅循其中以文術昭于外推經旨以飾吏事本法理以平人心 優詔累旌其忠良太史嗣書其功烈就加國子祭酒封武城男食邑三

百戶凡再策勳至上柱國三增秩至中散大夫某年月薨于位年若干天子震悼傷辭有加明年其孤某官與宗人號奉裳帷率其家老咨于叔父延唐令某卜宅

于潭州某原葬用某月某日人謀皆從龜兆龔吉 **邕州刺史李公誌**公

乃刻茲石著公之閎以志于北窳以告於幽明 **位字某實惟文皇帝之玄孫別子曰承乾為皇太子以藩愛逼奪危慄致禍後封**
恒山為愍王贈荊州大都督繼別曰象斬春郡太守贈越州大都督郁國公大宗

曰毗太子詹事贈秘書監生廡尚書左丞凡四代有土田居貴仕公丕承之以率南服克荷天休繼有功德嘗合汞硫黃丹砂爲紫丹能入火不動以爲神服之且十年然卒以是病暴下赤黑數日薨實元和十三年六月十五日年五十七僚幸庀事有緹五兩無金銀泉貝幾不克斂夷人號呼致幣歸以明年月日葬耐其

穆長安西南 貴州刺史鄧君誌 君諱某字某南陽人漢司徒禹之世也留高陽原上 祖倚皇連州普城令祖少立皇滄州司馬

考邕皇左武衛兵曹參軍惟君敏給以御下廉忠以承上幹蠱之稱洽于諸侯信謹之跡彰于所蒞故自始仕以至沒世未嘗無聞焉始由湖南爲江西再以君

爲從事知之最厚痛君之能不施于劇任惜君之志見屈于羣疑且以誌授宗元使備其闕古者觀其所使而知在上之德今也觀其所使而知在下之誠嗚呼可

無辭 桂管防禦副使呂公誌 呂氏世居河東至延之始大以御史大夫爲浙東道節度大使延之生滑爲中書舍

人尚書禮部侍郎刺湖南七州生四子温恭儉讓以温爲尚書郎再贈至右僕射恭字敬叔他名曰宗禮或以爲字實惟呂氏宗子尚氣節有勇畧不事小謹讀從

橫書理陰符握機孫子之術曰我師尚父胄也 不幸温刺衡州年四十卒恭未及理人年三十七又卒世固有有其具而不及其用若温恭者耶恭貌奇壯有大志

信善容物宜壽考碩大而 柳州司馬孟公誌 常謙 孟氏之孤曰遵慶奉其又不克呂氏之道惡乎興 父命書九篇爲善狀一篇來告

曰月日君薨月日將葬于某敢請刻辭 惟公志專于中貌嚴于外常立廷中毅然望之若圖形刻像聞國難輒不寢食謀度憤吒以故病不可治曾祖某官諱某

祖某官諱某父某官諱某公故試大理評事裴君誌裴氏之昭曰贈戶部尚書諱某穆西起居

郎諱某生均州刺史諱某均州與其弟大理更為刑部郎用文史名于朝善杜禮書長子曰某射進士策不中去過汴韓司徒宏迎取為從事以聞拜太子通事舍

人進大理評事當伐蔡及鄆汴常為軍首贊佐有勞既事將侍太夫人于京師道發疽元和十四年月日終于河南敦厚里年若干字曰某弟某以其喪歸葬于某

縣某里未果娶有男子二人女一人男之長曰某通兩經始於且廬大理評事柳君誌晉之亂柳氏始分曰蒼為汝南守居河東又五世曰

慶相魏魏相之嗣曰且仕隋為黃門侍郎其小宗曰楷至于唐刺濟房蘭廓四州楷生夏縣令府君諱繹繹生司議郎府君諱遺愛皆葬長安少陵原遺愛生御史

府君諱開葬南陽其嗣曰寬字存諒讀其世書揚于文辭卒于公館元和六年八月七日也年四十七今將以某月日耐葬苟又不得合辭而誌焉是無以蓋前

人之大痛敢固以請嗚呼余懼辭秘書郎姜君誌皇帝外孫也始楚國公之不令以為神羞余曷敢不諾

皎與上游益貴幸子慶初得尚某公主生粵嶠生三日上曰他物無以餉吾孫即勅有司以第六品告與緋衣銀魚得通籍出入凡名是官七十某年終不徙元

和十四年月日終桂州都督御史中丞裴公曰噫帝戚也葬不可以襄陽丞廉為具物祭以豚酒月日葬州東南一里子某年若干母曰雷姬

趙君誌貞元十八年月日天水趙公於年四十二客死于柳州官為歛葬于城北之野於之父曰漸南鄭尉祖曰倩之鄆州司馬曾祖曰弘安金紫

東明既自爲誌
矣此殆墓碣而
自誌乃理銘也

直書所以存
其真也

婦之義繫於夫此
則以其父主之父
有名以其女足以
傳其父也

光祿大夫國子祭酒始矜由明經爲舞陽主簿蔡帥反犯難來歸擢授襄城主簿
賜緋魚袋後爲襄陽丞其墓自曾祖以下皆族以位時宗元刺柳用相其事哀而
旌之
温縣主簿韓君誌
有唐故温縣主簿韓愼字某漢弓高侯其先也徙
于南陽 貞元十六年又調于天官署河陽丞未

拜十有一日暴病卒于長安永崇里先人之廬又
十有一日龜策襲吉耐于咸陽洪濱原先人之墓
東明張先生誌
東明先
生張氏

曰因嘗有以文薦于天子天子策試甚高以爲長安尉一年投去印綬願爲黃老
術詔許之病既亟以命回曰吾生天寶訖貞元乙酉歲十月今死于汝之手盈吾
志矣京師吾生也畢原先人之歸也必以返葬乃自爲誌
而卒明年正月某日葬如其言弟子某等爲碑以誌其墓
太府李卿外婦

馬淑誌
氏曰馬字曰淑生廣陵母曰劉客俱也淑之父曰總既孕而卒故淑爲
南康謳者李君爲睦州詆狂寇見誣左官爲循州錄過而慕焉納爲外

婦借竄南海上及移永州州之騷人多李之舊日載酒往焉聞其操鳴絃爲新聲
撫節而歌莫不感動其音美其容以忘其君之遠而名之辱方幸其若是也元和
五年五月十九日積疾卒于湘水
之東葬東岡之北垂年二十四
朗州員外司戶薛君妻崔氏墓

誌
唐永州刺史博陵崔簡女諱媛嫁爲朗州員外司戶河東薛巽妻三歲知讓五
歲知戒七歲能女事善筆劄讀書通古今其暇則鳴絃桐諷詩騷以爲娛始簡
以文雅清秀重于當世其後病惑得罪投驪州諸女蓬垢涕號恻氏出也以叔舅
命歸于薛元和十二年五月二十八日既乳病肝氣逆肺牽拘左腋巫醫不能已

期月之日潔服飾容而終年若千某月日遷
柩于洛某月日耐于墓在北邙山南洛水東

○墓誌式

董府君墓誌

公諱溪字惟深丞相贈太師隴西恭惠公第二子十九歲明兩
經獲第有司沉重精敏未嘗有子弟之過賓接門下推舉人士

侍側無虛口退而見其人淡若與之無情者太師賢而愛之除名徙封州元和

六年五月十二日死湘中年四十九公之母弟全素孝慈友弟公坐事棄同官令

歸公歿比葬三年哭泣如始喪者大臣高其行白為太子舍人將

葬舍人與其季弟澥問銘于太史氏韓愈愈則為之銘韓退之

處士裴君

墓誌

河東聞喜裴君諱某字某好學未仕年若干元和十四年月日終于京兆
渭南墅君之弟中丞公督桂州命其僚柳宗元以銘君之出河間邢羣以

狀來告曾祖諱某寧州刺史贈戶部尚書祖諱某起居郎父諱某尚書刑部員

外郎是年月日葬渭南某里遷韋夫人之喪自萬年來有俟猶異室柳子厚

志

從父弟宗直殯

從父弟宗直生剛健好氣自字曰正夫聞人善立以為己
師聞惡若已讐見倭色諛笑者不忍與坐語善操觚牘得

師法甚備融液曲折奇峭博麗知之者以為工作文辭淡泊尚古謹聲律切事類

撰漢書文章為四十卷是月二十四日出殯城西北若干尺死七日矣俟吾歸

與之俱伯祖妣趙郡李夫人墓誌銘夫人姓李氏辯族氏者曰趙郡

志其殯贊皇之東祖祖某為某官父沖

婦容本四德之一唐誌往往稱述容貌

此已見前重出

為單父尉夫人生于良族巖然殊異及笄德充于容行踐于言高朗而不傷其柔嚴恪而不害其和特善女工翦製之事又能為雅琴秦聲操縵之具婦道既備宜為君子之配偶焉我伯祖臨邛合府君諱某受夫人于李氏之廟而歸于正室諸姑合以為斯志以從人之道內夫家外父母家且又葬于我志于我故敘柳氏

為戶部郎中魏府君墓誌 魏氏世墓于某縣某原唐興有聞士諱之邊者與子及孫咸舉進士嗣為儒家綿州

涪城尉諱全瑤魏州臨橫主簿諱欽慈太常主簿諱緄尚書膳部員外郎兼江陵少尹諱萬成凡五代名高而不浮于行才具而不得其祿江陵府君益之以閣達之量經緯之謀故豪士賢大夫痛慕加厚生郎中府君諱宏簡字曰裕之以文行知名由是處約以終其世既歿家宰庀其政視廩惟釜鍾視藏惟束帛無餘積焉十有一月遣車歸于洛師某日耐于墓監察御史柳宗元聞其道而玩其文也久居又同閤故哀而銘之 亡姊裴君夫人墓

誌 柳氏至于唐其著者中書令諱頤中書之弟之子曰徐州府君諱某實有孝德世其家業清池府君諱某繼之以茂實德清府君諱某承之以善政以至于侍御史府君諱某用貞信勁正達于邦家克生賢女以配于裴氏 其年八月十八日甲子安厝于長安縣之神禾原從于先塋耐于皇姑宜也母弟號哭而為之志嗚呼至哀無文至敬不飾故無其辭 亡妻宏農楊氏墓誌 亡妻宏農楊氏諱某高祖

殿中侍御史諱某殿中生醴泉縣尉諱某醴泉生今禮部郎中凝代濟仁孝號為德門郎中娶于隴西李氏生夫人及許嫁于我柔日既下乃歸于柳氏遂以

九月五日庚午克葬于萬年縣棲鳳原從先塋禮也是歲唐貞元十五年龍集己卯爲之誌云

○葬誌式

馬室女雷五葬誌

馬室女雷五父曰師儒業進士雷五生巧慧異甚凡事

不當誌而誌之者必自述其所由作

而天姿潔清脩嚴恒若簪珠璣衣紈縠寥然不易爲塵垢雜年十五病死死後二日葬永州東郭東里以其姨母爲妓于余也將死曰吾聞柳公嘗巧我慧我今不幸死矣安得公之文志我葬其父母不敢以云葬之日余乃聞焉既而閱焉以攻石之後也遂爲砂書玄輒追而納諸墓柳子厚

○殯誌

志從父弟宗直殯

已見墓誌柳子厚

○權厝誌式

刺史崔君權厝誌

博陵崔君由進士入山南西道節度府始掌書記至府

未至永而連之人愬君御史按章具獄坐流驪州幼弟訟諸朝天子黜連帥罷御史小吏咸死投之荒外而君不克復元和七年正月二十六日卒夫人河東柳

氏德頌行淑先崔君十年卒其葬在長安東南少陵北君以竄沒家又有海禍力不克耐三年將復故葬也徒志其一二大者云柳子厚

縣尉陳君夫人權厝誌 唐貞元十七年九月六日甲子前渭南縣尉穎川陳君之夫人河東柳氏終于平康里將終告 亡姑渭南

于陳君曰吾生四十有四年為陳氏介婦九年謹飭不怠以至此命也嘗謂君宜有貴位而不克見執親之喪不得終紀皆天譴之大者也且願殺禮以成吾私

適先夫人之墓而窆我焉將俟君之不諱而歸復于正其可也 連州司馬凌陳君乃十二月十八日權厝于城南原曰棲鳳如夫人之志

君權厝誌 年月日尚書都官員外郎和州刺史連州司馬富春凌君諱準卒于桂陽佛寺執友河東柳宗元哀君有道而不明白于天下離

愍逢尤天其生且又同過故哭以為志其辭哀焉

○歸耐誌式

先太夫人歸耐誌 先夫人姓盧氏諱某世家涿郡壽止六十有八元和元年歲次丙戌五月十五日棄代于永州零陵佛寺明年

某月日安耐于京兆萬年棲鳳原先侍御史府君之墓其孤有罪銜哀待刑不得歸奉喪事以盡其志姪洎太夫人兄之子弘禮承事焉靈車遠去而身獨止立堂暫開而目不見孤因窮繫魄逝心壤蒼天蒼天有如是耶有如是耶而猶言猶食者何如人耶已矣窮天下之聲無以舒其哀矣盡天下之辭無以傳其酷矣刻

之堅石措之幽陰終

叔妣陸氏夫人遷祔誌

夫人諱則字內儀姓陸氏家于吳郡蓋江左上

天而止矣柳子厚

族以宗子在他國家牒逸墜故曾王父王父之諱官不克究知而闕其文父覃皇

河南陸渾令夫人生而柔筭而禮會伯舅為河南尹撰擇僚案謂我文學掾仲父

士林殊英儒流推高故人歸于我夫人之志也遂以其年十二月十三日庚

午合祔于少陵原之墓恭惟仲父之諱字夫人之爵齒備于版文今不書懼再告

也此皆自述其變例

○墓版文式

故叔父殿中侍御史府君墓版文

柳氏之先自黃帝及周魯其著者無駭以字為展氏禽以食采

為柳姓厥後昌大世家河東嗚呼公諱某字某曾王父朝請大夫徐州長史諱子

夏遺貞白之操表儀宗門王父朝請大夫滄州清池令諱從裕垂博裕之道啟祐

後亂皇考湖州德清令諱察躬小子常以無兄弟移其睦于朋友少孤移其孝

于叔父天將窮我而奪其志故罔極之痛仍集焉樸魯甚駭不能文字敢用書宗

人之辭以致其直故質而俚輟哭紀

事哀不能交故敘而終焉柳子厚

哀辭與誄辭相通而亦有用為墓版者南豐集中蘇明

金石例卷之三終
允哀辭述其子軾請乞之詞曰銘以納之墓中詞以刻

之冢上則當日南豐以哀詞作之而東坡兄弟實以表碣用之也

表與碣是一物皆陽碣也誌與權厝歸祔以及殯誌墓版異名而同物皆幽銘也隨所宜用施之在古亦無定例

金石例卷之四

濟南 潘昂霄 景梁

○銘文之始

事祖廣記云蔡邕曰黃帝有金几之銘王子年拾遺記曰黃帝以神金鑄器皆有銘題凡所造建皆記其年時此銘之起也

三禮圖云檀弓曰銘明旌也以死者為不可別已故以其

旗識之註明旌神明之旌也士喪禮云為銘各以其物亡則以緇

長半幅經末長終幅廣三寸書銘于末曰某氏某之

柩註銘明旌也雜帛為物大夫之所建也以死者為不可別故以其旗識之愛之斯錄之矣亡無也無旌不命之士也半幅一尺終幅二尺在棺為柩今文

古制緇纁兼施今則純用纁矣

銘皆為名
未為旃也

竹杠長三尺置于宇西階上

註在銘檀也字檀

周禮司常

大喪則供銘旌

註王則太常

司常職云王建太常諸侯建旂孤卿建壇大夫士建物則銘旌亦然但尺數異耳禮緯云天

子之旌高九仞諸侯七仞大夫五仞士三仞其士喪禮竹杠長三尺則死者以尺易仞也天子九尺諸侯七尺大夫五尺士三尺其旌旗身亦以尺易仞也又從遣車之差蓋以喪事畧故也若不命之士則士喪禮云以緇布半幅長一尺也槨其末長終幅長二尺也緇槨共長三尺廣三寸書銘於末曰某氏某之柩竹杠長三尺置于宇西階上

荀禮論云祭祀敬事其神也其銘誄繫世敬傳其名也

註銘

謂書其功于器物若孔悝之鼎銘者誄謂誄其行狀以為論也繫世謂書其傳襲若今之譜牒也皆所以敬傳其名于後世

禮祭統銘之義稱美而不稱惡此孝子孝孫之心也銘者

論著其先祖之有德善功烈勲勞慶賞聲名於天下

前輩云銘婦人墓當詳于家世議論取法于韓退之退之

所作蓋出于碩人之詩觀其銘元稹妻韋夫人墓可

見矣

○銘式

此宋人先德昭先諸碑所自出

四言無序乃漢碑例

此未及二歲之皇子禮在下殤以朝命為之不可為例之例也

權德輿世德銘

乃權公紀先世之德也四言無序此又一例也肅肅我祖玄鳥自天天乙革夏武丁相賢手文命子開國于權末云

聿修之誠大懼不克夙夜以思敢銘世德

唐故悼王石塔銘

并序唐開元五年歲在丁巳四月庚午朔二十一日庚寅故悼王

薨于上陽之中禁日二歲而未及周嗚呼哀哉王即開元神武皇帝第九之愛子也以其月二十七日丙申葬于萬安山之東南嶺壙惟五尺棺不三寸壘石塔一丈于其上不雕不藝從尙薄也其銘曰南有萬安兮北有洛城城可望兮天之京嗚呼悼王寧不戀兮嗚呼悼王寧不見兮倚素塔兮凌翠微空不礙兮雲則飛嗚呼悼王兮其何歸蘇頌

廬山女道士石碣銘

道士梁洞微也其銘無序四言廬山玄德先生碣銘亦然符載

中府法曹張君墓碣銘

君字直之祖驪父孝新皆為官汴宋間君嘗讀書為文辭有氣自吏才嘗感激欲自奮拔樹功

名以見世初舉進士再不第因去事宣武軍節度使得官至監察御史坐事貶嶺南再遷至河中府法曹叅軍攝虞鄉令有能各進攝河東令又有名遂署河東從

北魏司馬元興墓石於乾隆二十年出土其額題云魏故監朔將軍固州鎮將鎮東將軍漁陽太守宜陽子司馬元興墓誌銘而文中絕無一言及其官位以題已著之也古人誌法之簡如是

事絳州闕刺史攝絳州事能聞朝廷元和四年秋有事適東方既還八月壬辰死干汴城西雙正年四十有七明年二月葬河南偃師妻彭城人世有衣冠祖好順泗州刺史父泳卒蘄州別駕女四人男一人嬰兒汴也是為銘韓退之

虞部員外郎張府君銘

尚書虞部員外郎安

定張君諱季友字孝權年五十四病卒東都塗進韓氏門伏哭庭下曰叔父且死幾于不能言矣張目而言曰吾不可無告韓君別藏而不得韓君記猶不葬也塗為書致吾意已而自署其末與封敢告以請愈既與為禮發書云云其未有復語千萬永訣八字名日月與封皆孝權迹孝權為人孝謹與人語恐傷之而時巖巖有立與孝權游者極眾而獨以其死累余可尚也已為銘

東明張先生銘

匪祿而康匪爵而榮漢馬以虛充焉以盈言而

不為華光而不為名介潔而周流苞涵而清寧幽觀其形與化為冥寂冥以成其道是以勿嬰世皆狂奔利死名我獨浩浩端一以生或曰先生友悌以道慈幼以死若不能忘情者何耶吾曰道去友耶去慈耶從容以求其得之耶盪莽狼悻道之非耶且夫虧恩壞禮枯槁憔悴隳聖圖壽離中就異歛然與神鬼為偶頑然以木石為類倥侗而不實窮老而無死先生之道固知異夫如此也乃書于石以紀柳子厚

墓銘式

李元賓墓銘

已虛元賓壽也者吾不知其所慕天也者吾不知其所惡生而不淑孰謂其壽死而不朽孰謂之天已虛元賓才高乎當世而

北魏司馬景和
妻墓誌銘額稱
銘而文稱頌銘
讚箴頌古法相
通

行出乎古人已庠元賓竟
何為哉竟何為哉韓退之

崔評事墓銘

朝之言嘻嘻夕之言怡怡借入而
出乘馬馳一日不見而死吁其悲

施先生墓銘

先生之祖氏自施父其後施常事孔子以彰誓為博士延為太
尉太尉之孫始為吳人曰然曰續亦載其跡先生之興公車是

召纂序前聞于光有曜古聖人言其旨密微箋注紛羅顛倒是非聞先生講論如
容得歸舉讓肫肫出言孔揚今其死矣誰嗣為宗縣曰萬年原曰神禾高四尺者

盧君墓銘

盧君東美愈謂立日子來宜也行不可一二舉且吾之生也
後不與而祖接不得詳也其大者莫若眾所與觀所與察寡茲

可以審其德矣乃祖未出而處也天下大夫士以為與古之夔臯者俸且可以為
相其德不既大矣乎講說周公孔子樂其道不樂從事于俗得所從不擇外內奮
而起其進退既不合于義平銘如是可以示于今與後也歟立拜手曰唯唯君祖
子與濮州濮陽令父同舒州望江令夫人之祖延宗鄆州司馬父進成鄆州洛交
令男三人暢申易女三人皆嫁為士人妻墓在河南
緱氏縣梁國之原其年月日元和二年二月十日云

大理評事胡君墓

誌胡之氏別於陳明允先河東人世勤固戴厥身籍文譜進連倫惟明允加武資
力牛虎柔不持吏夏陽有施為去平陽民思悲河東士河陸原宜茲人肖厚完

五十七不足年孤兒啼死下官母弟証秩大夫
撫君遺哭泣書友韓愈司馬徒作後銘系序初

衛府君墓銘

嗟惟君篤所信
要無有弊精神

以棄餘費于人脫外界
自費珍訊來世述墓文

故相權公墓銘

權在商周世無不存滅楚徒秦嬴
劉之間甘泉始侯以及安正詆訶

浮屠皇極之扶貞孝之生鳳鳥不至爵位豈多半途以稅壽考豈多四十而逝惟其不有以惠厥後是生相君爲朝德首行世祖之文世師之流連六官出人屏毗無黨無讐舉世莫疵人所憚爲公勇爲之其所競馳公絕不窺孰克知之德將在斯刻詩墓碑以永厥垂

覃季子墓銘

覃季子其人

愛書貧甚尤介特不苟受施讀經傳言其說數家推太史公班固書下到今橫豎鈎貫又且數十家通爲書號草子史纂又取鬻老管莊子思晏孟下到今其術自儒墨名法至于狗莠草木凡有益于世者爲子纂又百有若干家篤于聞不以仕爲事黜陟使取其書以氏名聞除太子校書某年月日死永州祁陽縣某鄉將死嘆曰寧有聞而窮乎將無聞而豐乎寧介而躓乎將濶而遂乎葬其鄉後若干年柳先生來永州戚其文不大於世求其墓以石銘銘曰困其獨豐其辱柳子厚

善人白公墓銘

齒以德尊師以道存習俗以教遷惟仁人君子之所居若時雨然羽山之顏疵癘爲蠲媿心發之彥方學業復干謙

玄禮所以祠鄉長者而傳書先賢在昔兵屯河曲雄邊爰及公家乃誦乃絃身爲義方奉之周旋兩息躡躡起爲儒先岌彼熒臺火伏在泉振而鼓之有光屬天伸也銅章惠浹岐岍叔也奉璋入侍禁垣藹兮芝蘭之庭炯兮珠玉之淵州里趨風媚學躑躅至于餘波所及且孝弟而力田古有之種德欲深望歲百年有相之道理無空捐祿匪我樂殆以爲黨塾無窮之傳樂石有銘表公之阡異時配縣社之食尚有攷焉元遺山

墓誌銘式

裴君墓誌銘

裴為顯姓八唐尤盛支分族離各為大家惟公之系德隆位細日子曰孫厥聲世繼晉陽之色喻倫翼無外無私幼壯若

何壽之不遐而祿之不多謂必有後其又信然耶韓退之

薛君墓誌銘

宦不遂歸譏于時身不得年又將尤誰世再絕而紹祭以不驟

韋夫人墓誌銘

詩歌頌人爰敘宗親女子之事有以榮身夫人之先累公累卿有赫外祖相我唐明歸逢其良夫夫婦獨不與年

而卒以天實生五子一女之存銘于好辭以永於聞

李公墓誌銘

高其上而坎其中以房君墓為公之宮奈何平公

誌銘

有位有年有弟有子從先人葬是謂受祉

石公墓誌銘

生之艱成之又艱若石公墓誌銘有以為而止於斯

韋公墓誌銘

墓誌銘

武陽受業始于太師以官讓兄自待不疑勤于紫閣取益以卑可謂有源幸用無疵慊慊為人矯矯為官爰及江西功德具完名聲之下獨處

為難辯而益明仇者所歎碑于墓前維昭美故納銘墓中以識公墓

畢君墓誌銘

上古愛民為官求人苟可上以任位加其身其後喜權

人自求官退而緩者身後人先故廣平死節而子不荷其澤王屋謹廉而神不福其謙嗚呼天與人苟無傷其穴與墳

盧丞墓誌銘

宏農諱懷仁派諱璩襄陽諱某今年實元和六年

苗君墓誌銘

有行以為本有文以為華恭以事其職而勤以嗣其家位卑而無年

孔君墓誌銘

允義孔君茲惟其藏更于萬年無敢壞傷

杜君墓誌銘

杜氏大家世有顯人承繼綿綿

此合葬而專誌夫人之法

以及公身始為進士乃篤朋友及作大官克施克守纂辭奮筆渙若不思公牒盈前笑語指麾祿以給求食以會同不畜不牧庫廩虛空事在於人日遠日忘何以傳之刻
盧渾墓誌銘
前汝父母右汝兄汝從之居視汝如生遷汝居兮日月之良汝居孔固兮後無有殃如不信兮視此銘章

息國夫人墓誌銘

男主外事治不為易施於其家難甚吏治又況公侯族大而貴夫人是專厥聲惟懿昔在貞元有錫自天啟封

備服以疇時勳婉婉夫人有籍宮門克承其後以嫁以婚隨葬東土在河之陽遙望公墳而不同藏

王君墓誌銘

鼎也不可以柱車馬也不

可使守閭佩玉長裾不刺走趨祇繫其逢不係巧愚不諧其須有銜不社鐵石埋辭以列幽墟

扶風郡夫人墓誌銘

幽陰

坤從維德之恒出為辨強乃匪婦能淑哉夫人夙有多譽來嬪大家不介母父有事賓祭酒食祇飭協于尊章畏我侍側及嗣內事亦莫有施齊其躬心小大順之

夫先其歸其室有正合葬有銘壺錄是收

李君墓誌銘

不羸其躬以尚其後人

乳母墓誌銘

乳母李徐州人號正

真入韓氏乳其兒愈愈生未再周月孤失怙恃李憐不忍棄去視保益謹遂老韓氏及見所乳兒愈舉進士第歷佐汴徐軍入朝為御史國子博士尚書都官員外

郭河南令娶婦生二男五女時節慶賀輒率婦孫列拜進壽年六十四元和六年三月十八日疾卒卒三日葬河南縣北十五里愈率婦孫視窆封且刻其語于石

納諸墓

盧太醫墓誌銘

岐黃聖學炳如日星苟非其人道不虛行惟尚藥為銘公有得內經探病之源起死而生為醫作鏡底裏

洞明道風既扇取重漢廷陽報眷求壽考康寧倏然坐逝歸神太清大河安流扶
衛厥靈扁鵲湯陰實魏大名遙遙華胄復起魏吳古今世業前後家聲遺書具在
永為世程
元遺山
張君墓誌銘
履潔修體柔嘉內美充福不遇哀哀蒼天孰使然
耶天耶人耶其父母耶從容以思其得之耶齒其
芽鬱其華其實孔多父播而子獲穰穰滿家故曰其源濫觴其流江河淵兮其未
涯不有以浚之其末奈何然則古所謂不于其躬必于其子孫者尚信然耶尚信
耶然

○墓碣式

但書道號

河中府法曹張君墓碣銘

已見錄式

遽然子墓碣銘

遽然子諱滋字濟甫姓趙氏本

出馮翊其大父天會貞元間來為汴梁戶籍判官卒官下妻子不能歸遂為汴人
父諱青字漢卿遽然子三男長某次某兵亂中所失小子尚幼二女次即孟卿所
娶者遽然子春秋五十有九以病終權葬于東平沂州門之外若千步庚子歲除
日子實銘之其銘曰積之之深守之之堅傳人之所不傳兼人之所獨專自拔泥
塗如蛻而仙文以表之慰彼下泉顧
雖愛我豈以一言而敢私焉元遺山
張遵古墓碣銘
茫茫之原纍纍之
阡行人而歸何干
萬年有子而傳孰不欲揚其先今君獨然修德
此人而死而不亡則天吾是以知其人之賢
此不過墓碣之有銘者

王獻之有保
母博志則用
甄之制自魏
晉有之

○墓甄銘

古之書博者多刻石者少凡葬殤宜酌用此例

下殤女子墓甄銘

孰致也而生孰召也而死焉從而來焉往而
止魂氣無不之也骨肉歸復于此柳子厚

小姪

女墓甄銘

字為雅氏為柳生甲申死已丑日十二月在九是日葬東岡首
生而惠命則天始也無今何有質之微當速朽銘茲瓦期永久

○壙銘式

宋張表臣刪鉤詩話丹砂鍊為黃金碎以染筆入石不去名曰紅
沫余從漂陽見李翺作白字書霸王廟碑其法不傳亦紅沫之類歟

女挈壙銘

汝宗葬于是汝安歸
之惟永寧韓退之

唐王居士甄塋之銘以居士歸佛故用彼家法以博

為塋而刻石焉此自彼例也

金石例卷之四終

金石例卷之五

濟南 潘昂霄 景梁

○古墓表式

蔡致遠墓表

周景和墓表

周無晦墓表

李德元墓表

楊希節墓表

智氏夫人墓表

司馬夫人墓表

宋夫人墓表

呂氏夫人墓表

唐元夫墓表

○今墓表式

書私謚又書官

文通先生陸給事墓表

郡人陸先生質以其師友天水啖助洎趙匡能知聖人之旨故春秋之言及是而光明使庸人

小童皆可積學以入聖人之道傳聖人之教是其德豈不侈大矣哉先生字某既讀書得制作之本而獲其師友於是合古今散同異聯之以言累之以文益講道

此等皆全用
漢碑法

者二十年書而志之者又十餘年其事大備爲春秋集註十篇辯疑七篇微旨二篇用是爲天子爭臣尙書郎國子博士給事中皇太子侍讀皆得其道刺二州守人知仁永貞年侍東宮言其所學爲古君臣圖以獻而道達乎上是歲嗣天子踐祚而理尊優師儒先生以疾聞臨問加禮某月日終于京師某月日葬于某郡某里將葬以先生爲能文聖人之書通于後世遂相與諡曰文通先生

殿中

侍御史柳公墓表

唐貞元十二年二月庚寅葬我殿中侍御史河東柳公于萬年縣之少陵原公諱某字某邑居于虞鄉曾王父

某官王父某官皇考某官奕世餘慶叢而未稔濟德流祉其後宜大秀而不實爲善者感嗚呼哀哉故友諸生宗人外姻號慟會葬哀禮咸申克窆玄堂掩坎廣輪顧盼無依徘徊增哀願勒休聲延垂後賢於是汝南周公巢等相與琢石書德用圖不朽文曰抱元滄稟粹和既強毅又柔嘉登儀曹耀文章司學徒儒風揚自謂北佐朔方戎政閉黔首康冠惠文垂衣裳才不施天茫茫刊樂石篆遺德延休列垂憲則於萬年長無極

朝列大夫張公墓

表

公諱公著字庭俊姓張氏初名字以夢兆改焉世爲太原陽曲人曾大父某知宋將亂隱居不仕大父祿好讀書尤長于術數卜葬東山之大石谷自言劬後

三十年吾宗當有文達者已而果然考諱某資稟寬緩輕財好施以詩書棋酒自適後因公貴封朝列大夫生三子公其季也先大夫履正奉公惟義所在死生禍福無所顧藉天下大夫士飽聞而厭道之果得掛名表誌自記不腐鄉里晚生預有榮焉敢不唯命是聽乃退而論次之而系之以銘銘曰平易而仁卓魯之近

民發奸擊強趙張三王之所以神此在公為一節固已無望于時之人若夫確固而不移質直而無文直前徑行唯義所存有言責則致其忠有官守則致其身名節凜然獨為不二心之臣聞公之風

益知鄙夫之不可以事君元遺山

御史張君墓表

謹按中奉大夫故治書侍御史守申

州刺史張君諱汝明字子玉世家汶上曾大父靖大父彥皆潛德弗耀父恕用君出贈中議大夫母程氏清河郡太君君三歲喪父母程故衣冠家而有賢行力課君學君亦能自樹立如成人弱冠擢大安元年經義進士第君資稟厚重與人交敦仁義平居恂恂似不能言及當官而行剛介有守論議純正人不能奪仕宦三十年家無餘資其他尚多可稱弗著著不為窮達易節者銘曰汶之洋洋思聖有堂禮樂衣冠此為之鄉維御史君尤魯士之良沉潛而剛者艾而茲靡可以為公卿大臣訓于四方昔往矣秉筆而傍藹然粹温如珪如璋今來斯微服裹糧衡門棲遲詠歌虞唐謂其逢也耶茫乎及夜舟之藏其不逢也耶泰焉如晚節之昌抱明月而長終懷舊俗而不忘在君為樂天而識者涕滂林深而蘭芳風雨如晦而雞鳴有常世無良史久矣孰為發幽潛之光

司農丞康

君墓表

君諱錫字伯祿姓康氏世為南晉人 中興慶二年進士第釋褐樸陽

御史言宰相侯摯師安石非相材提點近侍局宗室安石聲勢焰焰公門請託不可使久在禁近朝議偉之選授右司都事遷京南路大司農丞破上蔡諸縣羣不逞把持之黨彈種人以賍汚尤狼籍者五六輩宰相有不說者云康錫不欲吾種人在仕路耶因以飛語中之出為河中府治中充行尚書六部郎中城陷投水死

時年四十八

陽曲令周君墓表

君諱鼎字器之姓周氏世為定襄人遷陽曲令權河東北路轉運司戶籍判官帥府檢察又

明年雁門破兵勢駸駸而南。綱曲以太原不可保。趣君弟獻臣就謀去。就君為獻臣言。城不保必矣。我臣子也。尚欲逃死乎。獻臣欲挈君妻子以出。君又不可。曰。吾守官于此。而不以妻子自隨。是懷二也。吾弟往。吾死于此矣。乃與之泣別于北門之外。是歲城陷。沒于兵。實興定二年九月六日也。得壽三十有七。官奉直大夫。

史邦直墓表

邦直諱元姓史氏世為武陟人某年遷河內乃占籍焉遷管勾黃河漕運未幾河南破右丞仲德行臺徐州檄邦直守禦注

授彭城令尋轉充觀察判官危急存亡之際多所建白仲德甚倚重之喪亂後開關東歸歲戊戌十二月二十有六日春秋五十有七以疾終于州之私第邦直為人軀幹雄偉望之如羽人劍客而處事詳雅倉猝無失辭事母孝待故舊有終始身歿之日識者多嗟惜之

御史孫公墓表

正大

中內帑被盜所失皆慈聖宮珠貝上怒甚公時為監察御史被詔按其事而無迹可尋法官讞疑欲棄守者市公執奏緩之會赦得原汴民李氏女有姿色已許嫁矣首相白撒之姪恃勢奪婚且欲以為妾夫家訴于官官畏狗不為理遂訴于公公為奏聞詔還已許八年親享太廟廓國夫人溫敦氏過廟門而不偃蓋公劾奏以為失臣妾禮上不忍加媿毋罪勅有司杖御者百仍罰俸以愧之舊制承天門非犒軍不登一日上無故登焉公奏人主不可示民不信上即日為公犒軍庚寅辛卯以來雖軍出屢勝而亡微已具危急存亡之際大夫士以自保為幸或高蹈遠引脫屣世務或酣歌縱酒苟延歲月公獨正色立朝耿耿自信言事數十條謫

書徵已

然有承平之風。公諱德秀字伯華其先涇州長武人大父臯遭靖康之亂流寓太原之文水因家焉。

曹徵君墓表

歲丙午秋九月

書善人

日曹徵君子玉以疾終于襄陰之寓舍春秋七十有四嗚呼哀哉世豈復有敦龐耆艾之士如君者乎。君諱珏姓曹氏子玉其字也。君既老自號黨黨老人有卷瀾集三卷藏於家銘曰仁信而篤誠寬博而和平以儒行概之眾善具非何負于人而不能百齡豈無百齡孰愈君之名城郭千年貞石有銘曰是維子曹子之墓尚可以為善人白公墓表。公諱某字全道姓白氏。公資稟聰悟而鄉人之榮也。善人白公墓表。謹厚自持畧通經史精究歷義中年耽嗜佛書皆所成誦為人敦信義樂施與一言所諾千金不易家人化之皆以賢行稱焉。正大中累贈中大夫輕車都尉南陽郡伯兩夫人南陽郡太君維火山自太平興國中升為軍雖有學校而肄業者無幾宣和末僅有上舍宋生歷天定明昌官學之盛然後公之二子擢巍科取美仕邦人築亭以榮鄉名之屏山李君之純為作記辭與事稱相為不朽故公雖躬不受祀所以起其家與善化一鄉者其利豈有既耶。

書道號

南峯先生墓表。先生諱豫字彥先姓呂氏懷州修武人祖道父琰皆力田為業先生自成童知讀書既冠游學東州以易為專門經明行修高出倫輩醇德先生王廣道特器重焉一時名士如秀容折安上濟陽王善長安陽苗景藩館陶段彥昌冠氏孫希賢田子發從之學者甚眾故家近太行五峯山因以為號示不忘本也有易說若干卷。施州房使

君鄭夫人殯表

夫人之先出於周以鄭為氏因初侯曾祖諱隨祖諱玠厥考諱絳咸垂休歸于房宗生九子左右黍稷祠春秋道順

表備之作
莫多於遺
山其次虞
道園宋濂
溪然皆不
可法非韓
歐之比然
宜兼及之
者所以備
引例之窮
猶之斷獄
者無例可
援則不得
不比附成
案而已

德嚴顯且裕宜壽而富今何謬永貞冬
至前四日寓殯墳此非其正韓退之
故宏農令柳府君墳前石表

少陵原柳氏之大墓唐貞元十九年某月日孤某奉其先府君洎夫人之喪耐于
其位由新墓而南若干步曰高祖王父蘭州府君諱某字某之墓又東若干步曰
曾祖王父邠州府君諱某之墓西若干步曰祖某王父司議郎府君諱某之墓咸
異兆而相望昭穆之有位序壤樹之有豐殺皆如律令府君諱某字某由父任為
太廟齋郎更許昌陽武伊闕華原尉王屋丞汝陰令為宏農二年推其誠心裕于
其人年五十五建中二年某月日卒于官以其素廉家之蓄不足以充凶事遂

殯于舊
先侍御史府君神道表
嗚呼先君之墓仲父殿中君誌焉
孤宗元不敢稱道先德然而無以

昭于外者用敢悉取仲父之所陳而繁其辭刻茲石表先君諱鎮字某六代祖諱
慶後魏侍中平齊公五代祖諱且周中書侍郎濟陰公高祖諱楷隋刺齊房蘭廓
四州曾伯祖諱爽字子燕唐中書令曾祖諱子夏徐州長史祖諱從裕滄州清池
令皇考諱察躬湖州德清令世德廉孝颺於河滸士之稱家風者歸焉 嗚呼宗
元不謹先君之教以陷大禍幸而緩于死既不克成先君之寵贈又無以甯太夫
人之飲食天殛薦酷名在刑書不得手開玄堂以奉安祔罪惡益大世無所容尙
顧嗣續不敢即死支綴氣息以嚴邦刑大懼祭祀之無主
臨海弋公阡表

以忝盛德敢用特性昭告神道號叫萬里以畢其辭云
公諱潤字天澤姓弋氏系出臨海占籍汝州之梁縣者不知其幾昭穆矣大父整
生二子長曰洪次曰海洪娶張氏二子曰祐曰福海娶酒氏公其所生子也弋氏

自先世不異財。公早孤能自樹立。如成人。事從兄。祐殊恭遜。祐嘗以事客內鄉者。二十年。比還。公殖產倍於舊。祐歸求分。居公謂祐言。家所有皆父兄所積。潤但謹守。僅無損耗耳。兄幸歸。請悉主之。潤得供指使足矣。祐悔悟曰。吾弟忠敬如此。我乃為讒口所間。慚恨無所及。尚欲言分異耶。乃更相友愛。壬辰。河南破。公挈家避于西山。山柵破。公家亦被驅逐。一卒見公稠人中。請于主帥云。此吾鄉善士。其縱遣之。帥遣公舉家去。是夜所俘悉阮之里社。為空。公家獨全。親舊嘆曰。為善之報見之今日矣。明年春。鄉郡遊騎徧滿。公自度不能受辱。乃自投水中。得年若干。實某年月日也。元遺山

○墳記式

韋夫人墳記

韋夫人終成都。殯萬年。遷柩渭南。祔而不合。大葬未利。以俟禮也。其族系如某人之誌。朔用元和十四年月日子某為石刻而

納諸壙。柳子厚

○誄式

誄之名始見於論語。而戴記魯哀公烏虋尼父之辭。其緣起亦甚古矣。

衡州刺史東平呂君誄

維唐元和六年八月日。衡州刺史東平呂君卒。爰用十月二十四日。藁葬于江陵之野。嗚呼。君

有智勇孝仁。惟其能可用。康天下。惟其志可用。經百世。不克而死。世亦無由知焉。君由道州以陟為衡州。君之卒。二州之人哭者逾月。湖南人重社飲酒。是月上戊。

前此陳思
王自魏文
帝誄顏延
年有陶徵

士誅潘岳
有馬濟
誅蓋魏晉
之間作者
不勝數然
皆不可為
例

不酒去樂會哭于神所而歸余居永州在二州中間其哀聲交於北南舟船之下
上必呱呱然蓋嘗聞于古而觀于今也君所居官為第三品宜得謚于太常余
懼州吏之逸其辭也私為之誄以志其行其辭曰麟死魯郊其靈不施濯濯夫子
故潔其儀冠仁服義干櫓書詩忠貞繼佩智勇承綦跨騰商周堯舜是師道不勝
禍天固予欺鬼神不怒妖孽咸疑何付之德而奪其時嗚呼哀哉命姓惟呂勤唐
以力輔寧萬邦受胙爾國惟師元聖周以降德世征五侯伊祖之則嗣濟厥武前
書是式至於化光爰耀其特春秋之元儒者咸惑君達其道車焉孔直聖人有
由我而得敷施變化動無不克推理惟公舒文以翼宣于事業與古同極道不
用資仕乃揚進于禮司奮藻合章決科聯中休間用張署警百氏錯綜逾光超都
諫列屢皂其囊帝殊爾能人服其智戎悔厥禍欵邊求侍盛選邦良難平始使君
登御史贊命承事風動海壖皇威以致來總征賦用茲郎吏制用經邦時推重器
諸臣之復周官匪易漢課牋奏鮮云能備君自他曹載出其技筆削自任羣儒革
議正郎司刑邦憲為貳糾佞肅邪諂諛具畏遷理於道民服沐嘉恩疎若昵陽邇
如遐實閉其閣而撫千家載其愉樂申以舞歌賦無吏迫威不刑加浩然順風從
令無譁籟蠶外邑我繭盈車雜耕隣邦我黍之華既字其畜亦藝其麻鼙鼓斯屏
人喜其多始富中教興良廢邪考績既成王用興嗟陟于嶽濱言進其律號呼南
竭謳謠北溢欺吏悍民先聲如失逋租匿役歸誠自出兼并既息羸羸乃逸惟昔
舉善盜奔于隣今我興仁化為齊人惟昔富人或賑之粟今我厚生不竭而足邦
思其粥人戴惟父善胡召災仁胡罹咎俾民伊怙而君不壽矯矯貪凌乃康乃茂
嗚呼哀哉廩不餘食藏無積帛內厚族姻外調賓客恒是懸罄速茲易簣僮無凶

服葬非舊陌嗚呼哀哉君昔與余講德討儒時中之與希聖爲徒志存致君笑詠
唐虞揭茲日月以耀羣愚疑生所怪怒起特殊齒舌嗷嗷雷動風驅良辰不偶卒
與禍俱直道莫試嘉言罔敷佐王之器窮以郡符秩在三品宜謚玉都諸生
羣吏尙擁長圖故友咨懷累行陳暮是旌是告永永不渝嗚呼哀哉柳子厚

虞鳴

鶴詠

維某年月日前進上虞九皋字鳴鶴終於長安親仁里既克葬于高陽原
二三友生皆至于墓哀其行之不昭于世追列遺懿求諸后土申薦嘉名

實曰恭甫乃作詠曰吳虞之分爰宅上陽其後優游在越爲鄉延訥輔漢恢定封
疆東徙之賢時惟仲翔曰預曰喜在晉克彰義篤斯文有苾其芳秘書多能垂耀
于唐洎于漢陽世德以昌毗贊尙父休徽用揚惟我先君並時翺翔洽主記室蔚
其輝光實契伯仲永永不忘漢陽元子實紹其美傳襲儒風彪炳文史克恭以孝
惟禮是履譽洽於鄉論爲秀士百郡之選叢於京師味沒騰籍乘凌蔽欺生之始
至則奮其儀退默以謙人悅而隨名卿是挈先進咸推方出羣類振耀于時禍丁
舅氏漂淪海沂捧訃號呼匍匐增悲喪有幼主禮或多違孰徇于名而不是思投
袂就道乘艱若夷竭誠喪具申敬裳帷萬里來復祇耐于墓遽不凌節儉而有度
由其溫恭守以貞固行道谷嗟觀禮興慕復從鄉賦煥發其華克不再舉聞于邦
家倚閭千里歡咏斯多姻族盈門載笑且歌君之不淑名立志沮慶歸其鄉身終
逆旅生死已間壽觴方舉賀書在途委骨歸土哀歡易地弔慶交戶神胡不仁降
此大苦嗚呼哀哉惟昔夏首羈貫相親通家修好講道爲鄰旣冠于阡思致其身
升于司徒及爾繼年交歡二紀莫間斯言愉乎其和確爾其堅更爲砥礪咸去韋
絃今則遽已吾其欽然嗚呼哀哉詠行謀謚惟古之道生而無位歿有其號惟是

自疏其論不在銘而在韻語中

魏晉以後有以行狀體式爲墓銘者昌黎此格實本之乃起例於墓銘非起例於行狀也

友生徘徊顧悼爰用壹惠幽明是告溫溫其恭惟德之經先民有作今也是旌嗚呼某甫欽此嘉名

○行狀式

惟韓退之董公行狀如式開書餘並疏始末于其下文體之異隨事詳酌焉

故金紫光祿大夫檢校尚書左僕射同中書門下平章事兼汴州刺史充宣武軍節度副大使知節度事管內度支營田汴宋亳潁等州觀察處置等使上柱國隴西郡開國公贈太傅董公行狀

曾祖仁琬皇任梁州博士

祖大禮皇贈右散騎常侍

父伯良皇贈尚書左僕射

公諱晉字混成河中虞鄉萬歲里人階累升爲金紫

光祿大夫勲累升爲上柱國爵累升爲隴西郡開國公
娶南陽張氏夫人後娶京兆韋氏夫人皆先公終四子
全道溪全素澥全道全素皆上所賜名全道爲秘書省
著作郎溪爲秘書省祕書郎全素爲大理評事澥爲太
常寺太祝皆善士有學行謹具歷官行事狀伏請牒考
功并牒太常議所謚牒史館請垂編錄謹狀

貞元十五年五月十八日故吏前汴宋亳潁等州

觀察推官將仕郎試祕書省校書郎韓愈狀

唐故贈絳州刺史馬府君行狀

君諱某字某其先爲嬴姓當周之衰處晉爲趙氏晉亡而趙氏爲諸

侯其後益大與齊楚韓魏燕爲六國俱稱王其別子趙奢當趙時破秦軍闕與有功號馬服君子孫由是以馬爲氏拜太僕少卿疾病一年貞元十八年七月二

十五日終于家凡年四十有五其弟少府監暢上印綬求追贈贈絳州刺史布帛百疋 夫人滎陽鄭氏王屋縣令況之女有賢行侍君疾逾年不下堂食菜飲水藥物必自擇將進輒先嘗方書本草恒置左右子男二人赦前左衛倉曹叅軍敷右清道率府胄曹叅軍女子二人在室雖皆幼侍疾居喪如成人愈既世通家詳聞其世系事業今葬有期日從少府請擬其大者為行狀託立言之君子而圖其不朽焉 **故銀青光祿大夫右散騎**

常侍輕車都尉宜城縣開國伯柳公行狀 如韓退之式但多開州縣鄉里姓名

鄉里年歲始於此

此為請論而作者

并年耳 曾祖善本皇荆王侍讀 祖尚素皇潤州曲阿縣令 父慶休皇渤海郡縣丞贈蔡州刺史工部尚書 汝州梁縣梁城鄉思義里柳渾年七十四狀

公字惟深其先河東人 夫其子恭父慈善行也拊循制理能政也直廉潔靜檢德也拒疑獨斷明識也冒危以捍牧圉大節也犯顏以陳訏謨至忠也有一于此尚宜旌褒矧茲備體焉可以己固當節以榮號章示後來而故吏遺孤淪寓遐壤久稽彝典罪在宗屬敢用評騰舊行敷贊遺風若乃揚孔氏褒貶之文舉周公懲勸之法徵于誅論 **故祕書少監陳公行狀** 五代祖某陳宜都王 曾祖某皇會稽郡司馬 祖

則有司存謹狀 某皇晉陵郡司功叅軍 父某皇石補闕翰林學士贈祕書少監 某州某縣某

鄉某里陳京年若干狀 公姓陳氏自潁川來隸京兆萬年胄貴里諱京既冠字

曰慶復舉進士為太子正字咸陽尉太常博士左補闕尚書膳部考功員外郎司封郎中給事中祕書少監自考功以來凡四命為集賢學士德宗登遐公病痼與

此爲求誌而作者

書其名者將以上之太史太常議謚而作也

曳就位備哀敬之節由是滋甚遂以所居官致仕貞元二十一年四月二十五日終于安邑里夫其忠烈之褒也相府之有誠也太廟之東向也昭陵之不更其故也官守之不可奪也立言之不可誣也利之不苟就也害之不苟去也其忠類朱雲其孝類穎考叔其廉類公儀休而又文以文之學以輔之而天子以爲之知既得其道又得其時而不爲公卿者病也故議者感惜其始而哀其終焉公之喪凡五十四日而夫人又歿毀也夫人之父曰借司農卿祖曰某贈太子太保某故集賢吏也得公之遺事于其家書而授公之友以誌公之墓謹狀永貞元年八月五日尚書禮部員外郎柳宗元狀

狀

李翱前式大抵相類故止附見其目當意推之後倣此

吏部侍郎沈公行狀杜牧御史大夫

清河公崔公行狀

國子祭酒韓洄行狀權載之

宣州觀察

使王凝行狀

司空表聖

尚書戶部侍郎蔡公行狀

歐陽永叔

司封員外

郎許公行狀

歐陽文忠公行狀

吳充

司馬溫公行狀

蘇轍

○論行狀語錄

朱子語錄云韓文公變萬化無心變歐陽有心變杜祁公

墓誌一件未了又說一件韓董晉行狀尙稍長權德輿作宰相神道碑只一板許歐蘇便長了

○名號稱呼類

大行 李善文選註周書曰謚者行之跡是以大行受大名細行受細名 風俗通曰皇帝新崩未有定謚故總其名曰大行皇帝

禮記曰天子死曰崩諸侯曰薨大夫曰卒士曰不祿庶人

曰死 註異死名者為人喪其無知若猶不同然也自上顛壞曰崩薨顛壞之聲卒終也不祿不終其祿死之言漸也精神漸盡也

禮記曰天王崩告喪曰天王登假措之廟立之主曰帝 音假

霞遐假三字
在古皆通

遐 莊子其死登假三年而形逝 辨證楚辭遠遊云載營魄而登霞兮掩浮

雲而上征朱氏註曰霞與遐同猶曰適遠云爾曲禮告喪之辭乃又借以為死之美稱莊子作登假蓋亦此例但此篇註者遂解為赤黃之氣釋莊音又讀假為格而訓至焉則其誤愈遠矣

禮記曰壽考曰卒短折曰不祿 注祿謂有德行任為大夫士而不為者老而死從大夫之稱少而死從士之稱

今制人臣之家不得書皇字則亦不得書嬪字不可不知

王父曰皇祖考王母曰皇祖妣父曰皇考母曰皇妣夫曰皇辟生曰父曰母曰妻死曰考曰妣曰嬪

韓魏公祭式元遺山記其大畧姑錄之古人書曾祖皇祖皇考魏公易皇以顯字顯曾祖顯曾祖妣顯祖顯祖妣顯考顯妣妻先亡曰顯嬪妻祭夫曰顯辟穆甫兄弟曰顯穆甫

諸三品官以上職事官身故者若係親賢勲舊皆有司錄

奏取旨贈官

官職未至而特旨追贈者不拘此限

諸諡職事以上三品散官二品以上從吏部勘當善惡仍下所屬追取行狀關移禮部呈省聞奏若有旨議諡

士大夫家
有力者宜
仿此爲之

卽下太常寺擬謚訖申省議定奏聞

如有司不以時降
行亦許本家陳請其

官職未至而德行超異者特旨議之人亦准此

古金石例云南京赤倉高太皇祖塋作昭穆葬小兒子死

共葬一處謂之學堂小女共葬一處謂之繡堂別有

乳母墳師友墳師友墳以葬門客等

○時忌字樣類

就今日雖實錄等字皆所宜避此則隨時酌量
無例可言

古金石例云不敢稱皇字與隄字

請隄古有其禁而稱皇無
禁也今當從 詔條

○書碑額例

真字八分書謂之題額篆字則云篆額

今畧舉一二式附于
後并撰書建立附

夫子廟堂記

凡此等雄碑結銜皆當在文後惟神道之碑結銜在題之後文之前三行並列若墓表例只撰文一人結銜直接文後

駕部郎中程浩撰

朝議郎判尚書武部員外郎瑯琊顏真卿書

朝散大夫檢校尚書都官郎中東海徐浩篆額

唐天寶十一載歲次壬辰四月乙丑朔二十二日

丙戌建在記後

重脩蜀先主廟碑

儒林郎前鄭州防禦判官提舉學校常平倉事武騎

尉賜緋魚袋王庭筠撰書篆

此三事一人兼為之也

柳州羅池廟碑

尚書吏部侍郎賜紫金魚袋韓愈撰

中書舍人史館修撰賜紫金魚袋沈傳師書

朝議郎桂管觀察大使試太常寺協律郎上柱國陳

曾篆額

此與建立俱在碑後

長慶二年正月十一日桂管都防禦先鋒兵馬使

朝散大夫試左衛長史孫季雄建立

○書碑陽例

漢碑陽無所不有其額陽額陰亦輒有題字

蘇子瞻韓文公廟碑小字本後云軾再啟

題于後

○書碑陰例

漢碑陰甚多例不止此柳子厚先友記即碑陰也

後周尉遲迥碑在相下刻云蔡有隣書并陰

又寶刻叢編云漢劉熊碑亦有碑陰

○僧碑

論僧碑宜書不宜書

柳子厚大明和尚碑陰凡葬大浮圖無窆穴其用于碑不宜然昔之公室禮得用碑以葬其後子孫因宜不去

遂銘德行用圖久于世及秦刻山石號其功德亦謂之碑而其用遂行然則雖浮圖亦宜也凡葬大浮圖其徒廣則能為碑晉宋尚法故為碑者多法梁尚禪故碑多禪法不周施禪不火行而律存焉故近世碑多律凡葬大浮圖未嘗有比正尼主碑事今惟無染實來涕泪以求其志益堅又能言其師他德尤備故書之碑陰 宋景文筆記論僧碑不宜書

○論碑文合書不合書

歐陽永叔陳文惠公神道碑

公諱堯佐前娶曰杞國夫人宋氏後娶曰沂國夫人王氏子男十人長曰述古 秦

公三子長曰堯叟為樞密使同中書門下平章事季曰堯咨為武信軍節度使皆舉進士第一人及第三子已貴秦公尚無恙每賓客至其家公及伯季侍立左右坐客蹠踏不安求去秦公笑曰此兒子輩耳故天下皆以秦公教子為法而以陳氏世家為榮公之孫四十人曾孫二人合伯季之後若子若孫若曾孫六十有八人女若孫曾五十有四人而仕于朝者多以材稱于時嗚呼可謂盛矣 其文如此皆所宜書者故備列之云

齊人曹元野云濟南李昌道作李千戶先塋碑其閒不書

李千戶之妻某氏只寫子幾人其妻怒元野添上說
知昌道公言不可書為婦人未終如何敢書婦人此
是前輩所傳如此

此論亦未是

○書銘陰例

唐相國房公德銘之陰

房瑄也。天子之三公稱公王者之後稱公諸侯之入為王卿士亦曰公有土封其臣稱之曰公尊

其道而師之稱曰公楚之僭凡為縣者皆曰公古之人通謂年之長者曰公唐之大臣以姓配公最著者曰房公房公相玄宗有勞于蜀人咸服其節相肅宗作訓于岐人咸尊其道惟正直慈愛以成于德用是進退所居而事理辯所去而人哀號理袁人袁人不勝其懷為文士趙郡李華銘公之德亂故不克立今刺史太原王涯嘉公之道猶在乎人人不忘公之道為之刻石王公嘗以機密匡天子于禁中遵公之道刺于我邦承公之理又能尊公之德起遺文以昭前烈則其入為卿士三公也孰曰不宜吾懼其去我也遽願書于銘之陰用永表于邦之良政柳子厚

碑尾兼頌立
石之人亦承
漢碑舊例

大抵碑陰之刻多附書他人漢碑多門孫故吏柳子則

記先友此則以王涯能繼房公之理而爲之刻石故亦金石例卷之五終

附驥之意爾

漢碑有附記其子弟及他人事行者此不可以一律盡之

例

金石例卷之六

濟南 潘昂霄 景梁

○韓文公銘誌括例

自宦業俊偉者敘起而以世系妻子居後

朝散大夫贈司勳員外郎孔君墓誌銘二十卷

自急流勇退者敘起次履歷家世而以死葬居後

正議大夫尚書左丞孔公墓誌銘三十卷

自事實敘起次履歷家世子女而以葬年月居後

考功員外郎盧君墓銘二十四卷

先敘姓字三代次履歷而以妻子居後

凡此等皆臨文之變隨時而改隨人而異無例可言若一一以例言之則轉成權版作者之心思才力皆坐困其中而無繇自騁即使一皆如例

亦所謂縛律
倡也縲虎囚
龍豈有與於
斯文也哉

斷獄者不可
無例然用例
存乎其人不
得但徵於書

崔評事墓銘

三十卷

清邊郡王楊燕奇碑文

二十卷

河南少尹

裴君墓誌銘

二十卷

國子助教薛君墓誌銘

二十卷

江西觀察

使韋公墓誌銘

二十卷

國子司業竇公墓誌銘

三十卷

太原府

叅軍苗君墓誌銘

三十卷

清河郡公房公墓誌銘

二十卷

銀青

光祿大夫贈工部尚書太原王公神道碑

二十卷

殿中侍

御史李君墓誌銘

二十卷

朝散大夫商州刺史除名徙封

州董府君墓誌

二十卷

秘書少監贈絳州刺史獨孤府君

墓誌銘

二十卷

檢校尚書左僕射統軍劉君墓誌銘

二十卷

監

察御史衛府君墓銘

三十卷

河南令張君墓誌銘

三十卷

鳳翔

隴州節度使李公墓誌銘

三十卷

江南觀察使中大夫洪

先敘家世

州刺史中丞贈常侍太原王公神道碑銘三十卷司徒侍

中中書令贈太尉許國韓公神道碑銘三十卷

興元少尹房君墓誌銘二十卷集賢校理石君墓誌銘二十卷

河南府王屋縣尉畢君墓誌銘二十卷中散大夫河南尹

杜君墓誌銘二十卷銀青光祿大夫襄陽郡王平陽路公

神道碑銘二十卷故相權公墓銘三十卷柳子厚墓誌銘三十卷昭

武校尉守左金吾衛將軍李公墓誌銘三十卷朝散大夫

尚書庫部郎中鄭君墓誌銘三十卷朝散大夫越州刺史

薛公墓誌銘三十卷中大夫陝府左司馬李公墓誌銘三十卷

北魏司馬元興墓文序與銘凡共三百字而敘先世銜名十之六其敘元興本

事只夙稟明穎纂承徽烈洪業方隆生志未遂十六字下敘卒葬年月未有銘

辭而不加銘
日二字

號州司戶韓府君墓誌銘三十卷 韓滂墓誌銘三十卷

不書家世而書履歷

李元賓墓銘二十四卷

不書家世履歷而言丹砂之害

太學博士李君墓誌銘三十四卷

先敘死年月起

施先生墓銘二十四卷 登封縣尉盧殷墓誌銘二十五卷

先敘死者葬地

河東觀察鄭公神道碑文二十六卷

先敘姓名履歷而以三代妻子居後

試大理評事王君墓誌銘二十卷江南觀察贈常侍太原

王公墓誌銘三十卷幽州節度判官贈給事中張君徹墓

誌銘三十卷

無履歷可敘者

處士盧君墓誌銘三十卷韓滂墓誌三十卷考功員外郎盧君

墓銘二十卷

僅有初筮可書者

李元賓墓銘二十卷登封縣尉盧殷墓誌銘三十卷河南王屋

縣尉畢君墓誌銘二十卷虢州司戶韓府君墓誌銘二十卷

敘文辭之盛者

施先生墓銘

二十卷

貞曜先生孟郊墓誌

二十卷

南陽樊紹述

宗師墓誌銘

三十卷

自賜廟敘起

烏氏廟碑銘

二十卷

魏博節度觀察使沂國田公先廟碑

銘

二十卷

自乞銘敘起

河南少尹李公墓誌銘

二十卷

袁氏先廟碑

二十卷

貞曜先生

孟郊墓誌

二十卷

庫部員外郎張府君墓誌銘

二十卷

中散大

夫少府監胡良公墓神道碑

三十卷

有誌無銘

登封縣尉盧殷墓誌銘二十卷襄陽盧丞墓誌銘二十卷河中

府法曹張君墓碣銘二十卷殿中少監馬君墓誌三十卷貝州

司法叅軍李君墓誌銘三十卷太學博士李君墓誌三十卷

述其妻子之辭朱子謂別是一體此文之變

襄陽盧丞墓誌二十卷河中府法曹張君墓碣銘二十卷虞部

員外郎張府君墓誌二十卷殿中少監馬君墓誌三十卷貝州

司法叅軍李君墓誌三十卷

法揚子雲造語洪氏云朱子謂用字奇古

曹成王碑二十卷

王臨川以為銘之奇者

試大理評事王君適墓誌

二十卷

故幽州節度判官贈給

事中清河張君墓誌

三十卷

樓迂齋所取者

殿中少監馬君墓誌

三十卷

唐故河中府法曹張君墓誌

二十卷

賜廟碑體

烏氏廟碑銘

二十卷

魏博節度觀察使沂國田公先廟碑

銘

二十卷袁氏先廟碑

二十卷

郡王碑體

清邊郡王楊燕奇碑

二十卷

曹成王碑

二十卷

銀青光祿大夫

襄陽郡王平陽路公碑 二十卷

公相銘誌體

檢校尚書左僕射統軍劉公墓誌銘 二十卷 故相權公墓

銘 三十卷 清河郡公房公墓碣銘 二十卷 司徒兼侍中中書令

贈太尉許國韓公神道碑銘 三十卷 銀青光祿大夫贈工

部尚書太原郡公王公神道碑 二十卷

節度觀察刺史誌銘碣

河東節度觀察使滎陽鄭公神道碑 二十卷 鳳翔隴州節

度使李公墓誌銘 三十卷 魏博節度觀察使沂國田公先

廟碑銘 二十卷 江南西道觀察使贈左散騎常侍太原王

公神道碑三十卷又誌銘三十卷朝散大夫商州刺史除名董

府君墓誌二十卷秘書少監贈絳州刺史獨孤府君墓誌

銘二十卷朝散大夫越州刺史薛公墓誌銘三十卷

御史卿監郎官墓誌博士附

殿中侍御史李君墓誌二十卷監察御史衛府君墓銘三十卷

正義大夫尚書左丞孔公弑墓誌三十卷國子司業竇公

牟墓誌三十卷中散大夫少府監胡良公墓神道碑三十卷殿

中少監馬君墓誌三十卷考功員外盧君墓銘三十卷朝散大

夫贈司勳員外郎孔君墓誌二十卷虞部員外郎張府君

墓誌二十卷朝散大夫尚書庫部郎中鄭君墓誌三十卷太學

博士李君干墓誌三十卷崔評事墓誌四十卷大理評事王君

墓誌二十卷集賢院校理石君墓誌三十卷國子助教河東薛

君墓誌二十卷

州縣官誌銘

中散大夫陝府左司馬李公墓誌三十卷中散大夫河南

尹杜君墓誌二十卷柳子厚墓誌三十卷河南少尹裴君墓誌

二十卷河南少尹李公墓誌三十卷興元少尹房君墓誌二十卷幽

州節度判官贈給事中清河張君徹墓誌三十卷太原府

叅軍苗君墓誌二十卷貝州司法叅軍李君墓誌三十卷虢州

司戶韓府君墓誌三十卷貞曜先生墓誌二十卷河南令張君

墓誌 三十卷 襄陽盧丞墓誌 二十卷

處士誌銘

處士盧君墓誌 三十卷

幼殤誌銘

盧渾墓誌 三十卷 韓滂墓誌 三十卷

金石例卷之六終

金石例卷之七

濟南 潘昂霄 景梁

○韓文公銘誌括例

括例乃徐秋山所撰緝蒼厓采而錄之以入金石例耳非蒼厓自爲之

宗族姻黨稱呼例

書上代例

其十一世祖 殿中侍御史李君誌

其上祖 朝散大夫越州刺史薛公誌

七世祖 柳子厚誌

六代祖 國子司業寶公誌

五世祖 江西觀察韋公誌

四世祖 朝散大夫越州刺史薛公誌

書曾祖例

曾大父 崔評事誌裴少尹誌劉統軍等誌

曾祖 少尹房公誌尙書左丞孔公誌

大王父

清河郡房公誌

書曾伯叔祖例

曾伯祖

柳子厚誌

書祖例

大父

崔評事誌裴少尹誌劉統軍等誌

祖

房少尹誌孔左丞誌

王父

清河郡公誌

書父例

父

崔評事誌裴少尹誌劉統軍誌

皇考

正議大夫孔左丞誌

烈考

清邊郡王楊燕奇碑

書母例

父娶河南獨孤氏女

生二子君其季也 朝散大夫庫部鄭君誌

公之父娶鄉邑劉氏女

生公是為齊國太夫人司徒韓侍中碑

父娶裴氏女

貞曜先生誌

父娶陳留太守薛江童女

殿中侍御史李君誌

母曰太原縣君

虞部員外張府君誌

母夫人燉煌張氏

河南少尹李公誌

公先妣渤海李氏

贈渤海郡太君觀察太原王公誌

書伯叔例

世父

伯父也四門博士周況妻韓氏誌註儀禮喪服篇有族曾祖父者曾祖之兄弟也其子為族祖父其孫為族父其曾孫為族兄弟有從祖祖父

者祖父之兄弟也其子為從祖父其孫為從祖兄弟有世父叔父者父之兄弟也其子為從父兄弟今韓公于開封及號州皆為從父弟矣于開封之女則公

當為從
祖父也

叔父
告于叔父 襄陽郡王路公碑

書伯叔母例

世母
伯母也

書兄弟姊妹例

母兄
君母兄戮某官 孔員外誌 公之母兄太常博士 河南少尹杜君誌 母兄戢某官 除名人董府君誌

歸宗之妹
育幼弟與歸宗之妹處士盧君誌

族弟
因其族弟以來請銘 襄陽郡王路公碑

書姊妹夫例

姊壻
銀青光祿王公誌

妹壻
愈于處士妹壻也 盧處士誌

書妻例

妻彭城人

河中府法曹張公誌

公之配

彭城劉氏夫人少尹李公誌

夫人

秘書少監獨孤府君誌

公娶清河崔氏女

故相權公誌

公娶其舅女

觀察太原王公誌

書子男例

能子

是真能子矣襄陽盧丞誌

為後子

仁本為後子獨存觀察鄭公誌

書女壻例

長女壻

次女壻

觀察太原王公誌

季女壻

其季女壻韓愈為之誌盧府君夫人苗氏誌

書舅姑例

姑氏

母抱之置之姑氏以去中大夫陝府司馬李公誌

尊章

協于尊章扶風郡夫人誌

書外家例

外高王父

外王父

自外高王父至外王父銀青光祿大夫王公誌

舅氏

少依舅氏讀書習騎射司徒韓侍中誌

夫人之兄

生公是為齊國太夫人夫人之兄曰司徒同上

舅弟

葬子厚于萬年之墓者舅弟盧遵

職名例

有出身必書例

大父含液舉進士第官卒河南法曹

參軍苗君誌

父倚舉進士天寶之亂隱居而終

崔評事誌

皇考諱郇以儒學進官至侍御史

河南令張君誌

父宰臣用進士卒官平陽冀氏令贈潭州大都督

中散

大夫少府監

胡公神道碑

初干以進士為鄂州從事

太學博士李君干誌

道古進士司門郎刺利隨唐睦徵為少宗正兼御史

中丞以節度督黔中朝京師改命觀察鄂岳蘄沔

安黃

曹成王碑

公一兄三弟常羣庠鞏常進士水部員外郎朗夔

江撫四州刺史羣以處士徵自吏部郎中拜御史

中丞出帥黔容以卒庠三佐大府自奉先令為登

州刺史鞏亦進士以御史佐淄青府皆有材名子國

司業寶

公誌

有子曰寅明經及第嗣其家業江西觀察

韋公誌

有子男七人初哲貞宏泰復洄初進士及第哲文學

俱善其餘幼也觀察贈常侍

太原王公誌

內職必書例

公會祖諱玄靜尚書膳部郎中歷資簡涇隰四州刺

史興元少尹

房公誌

大父某為刑部侍郎出刺徐相州崔評

事誌

大父曠御史中丞京畿採訪使河南少尹

張君誌

大父利貞有名玄宗世爲御史中丞舉彈無所避由

是出爲陳留守領河南道採訪處置使

河南令張君誌

書除授例

某年拜越州刺史

注或作元和十二年正月二十二日方氏云前已云元和四年此不當復出年號他銘亦無書除授

日月者刺

史薛公誌

家世例

書三代例

曾大父知道仕至大理司直大父玄同爲刑部侍郎

出刺徐相州父倚舉進士

崔評事誌

曾大父元簡大理正大父曠御史中丞京畿採訪使

父虬以有氣畧敢諫諍爲諫議大夫引正大疑有

寵代宗朝屢辭官不肯拜卒贈工部尙書

河南少尹
裴君誌

公會祖諱玄靜尙書膳部郎中歷資簡涇隰四州刺

史太尉之叔父也祖諱肱爲虢州司馬父諱巒都

水使者皆名能守家法

房少
尹誌

後七世至行褒官至易州刺史于君爲曾祖易州生

婺州金華令諱懷一卒葬洛陽北山金華生君之

考諱平爲太子家令葬金華墓東而尙書水部郎

劉復爲之銘

集賢院校
埋石君誌

其大王父融王父瑄仍父子爲宰相融相天后事遠

不大傳瑄相玄宗肅宗處艱難中與道進退薨贈
太尉流聲於茲父乘仕至秘書少監贈太子詹事

清河郡公

房公誌

曾大父諱承慶朔州刺史大父巨敖好讀老子莊周
書爲太原晉陽令再世宦北方樂其土俗遂著籍
太原之陽曲曰自我爲此邑人可也何必彭城父

訟贈右散騎常侍

劉統軍誌

不書三代例

登封縣尉盧殷誌

並不書三代

太學博士李君千誌

並不書三代

歷書世系例

公諱邗字某雍王繪之後王孫道明唐初以屬封淮陽王又追王其祖父曰雍王長平王淮陽生景融景融親益疎不王生務該務該生思一思一生岌比四世官不過縣令州佐然益讀書爲行爲士大

夫家岌爲蜀州晉原尉生公未晬以卒

陝府左司馬李公誌

書三代及其兄例

曾祖曰希莊撫州刺史贈大理卿祖曰元暉果州流溪縣丞贈左散騎常侍父曰播尚書禮部侍郎侍郎命君後兄據據爲尚書水部郎中贈給事中

國子

助教河東
薛君誌

書三代不名而及其女兒與甥以外戚故書

莊憲皇太后之弟今天子之舅太師之子太尉之孫

司徒之曾孫

銀青光祿大夫太原王公神道碑

不書曾祖而書六代祖及祖及父例

六代祖敬遠嘗封西河公大父同昌司馬比四代仍

襲爵名同昌諱胤生皇考諱叔向官至左拾遺深

水令贈工部尚書尚書于大歷初名能為詩文國子

司業竇公誌

不書曾祖而書祖書父例

祖曰旭袁州宜春尉父曰媯豪州定遠丞

施先生誌

祖子輿濮州濮陽令父同舒州望江令

考功員外盧君誌

大父知古祁州司倉烈考文誨天寶中實為平盧衙

前兵馬使位至特進檢校太子賓客封宏農郡開

國伯世掌諸蕃互市恩信著明夷人慕之

清邊郡王楊燕奇碑

祖某某官贈某某官父某某官贈某某官

朝散大夫贈司勳員外郎孔君誌

大父利貞有名玄宗世為御史中丞舉彈無所避由

是出為陳留守領河南道採訪處置使數歲卒官

皇考諱郇以儒學進官至侍御史

河南令張君誌

大父諱秀武后時以文材徵為麟臺正字父宰臣用

進士卒官平陽冀氏令贈潭州大都督

中散大夫少府監胡良公神道

碑

不書曾祖祖而書六世祖及父例

六世祖孝寬仕周有功以公開號于鄖鄖公之子孫

世為大官惟公之父政卒雒縣丞贈虢州刺史

江西

觀察使

韋公誌

不書曾祖祖而書七世祖及曾伯祖及父例

七世祖慶為拓跋魏侍中封濟陰公曾伯祖奭為唐

宰相與褚遂良韓瑗俱得罪武后死高宗朝皇考

諱鎮以事母棄太常博士求為縣令江南其後以

不能媚權貴失御史權貴人死乃復拜侍御史號

為剛直所與游皆當世名人

柳子厚誌

不書曾祖祖而止書其父例

公諱道古字某曹成王子其先王明以大宗子王曹

絕輒復封五世而至成王成王諱臯有功建中貞

元間以多才能能行賞誅為名至今追數當時內

外文武大臣成王必在其間

昭武校尉守左金吾衛將軍李公誌

常州刺史贈禮部侍郎憲公諱及之第二子憲公躬

孝踐行篤實而辨于文勸飭指誨以進後生名聲

垂延紹德惟克

秘書少監贈絳州刺史獨孤府君誌

處士諱於陵其先范陽人父貽爲河南法曹叅軍

處士

盧君誌

不特書父而書大王父王父伯例

大王父玄暕歷御史屬三院止尙書郎生景肅守三

郡終傅涼王生政襄鄧等州防禦使鄂州採訪使

贈吏部尙書公尙書之弟某子

江南西道觀察使
太原王公神道碑

書上世并書其母例

其上祖懿爲晉安西將軍實始居河東公之四世祖

嗣汾陰公諱德儒爲隋襄城郡書佐以卒襄城有

子二人皆貴其後皆蕃以大而其季尤盛官至邠

州刺史邠州諱寶亂有子九人皆有名位其最季
諱縑爲河南令以卒河南有子四人其長諱同卒
官湖州長史贈刑部尙書尙書娶吳郡陸景融女
有子五人皆有名蹟其達者四人公于倫次爲中

子

朝散大夫越州
刺史薛公誌

書二母例

初司徒公娶河南元氏封潁川郡夫人贈許國夫人
許國薨少府始孩顧託以其姪爲繼室是爲陳國
夫人陳國無子愛君與少府如已生其薨也君與
少府喪之猶實生已親負土封其墓

贈絳州刺史
馬府君行狀

書三代并書其母例

曾祖匡時晉州霍邑令祖千尋彭州九隴丞父廸鄂

州唐年令娶河南獨孤氏女生二子君其季也

朝散

大夫尙書庫部

郎中鄭君誌

其上世有髡者當宇文時爲車騎大將軍鄜城太守

卒葬河北諡曰忠公至孝權間五世矣孝權大父

諱孝先太子通事舍人父諱庭光贈綏州刺史綏

州之卒孝權蓋尙小母曰太原縣君卒旣葬孝權

守墓樹松柏三年而後歸

虞部員外郎
張府君誌

書三代并書其母其舅例

曾祖宏泰簡州刺史祖乾秀伊闕令父燮宣州長史

贈絳州刺史母夫人燉煌張氏其舅參有大名

河南

少尹李

公誌

書父并其母舅不及上二代例

公之父曰海爲人魁偉沈塞以武勇游仕許汴之間
寡言自可不與人交衆推以爲鉅人長者官至游
擊將軍贈太師娶鄉邑劉氏女生公是爲齊國太
夫人夫人之兄曰司徒玄佐有功建中貞元之間
爲宣武軍帥有汴宋毫潁四州之地兵士十萬人

許國公韓

宏神道碑

書十一世祖及父及母例

不及曾祖祖至書葬方見

其十一世祖沖貴顯拓跋世父惲河南温縣尉娶陳

留太守薛江童女

殿中侍御史李君誌

書父及母及兄弟而不及上世例

父庭玠娶裴氏女而選為崑山尉生先生及二季鄴

郢而卒

貞曜先生誌

書婦女家世例

書三代例

夫人曾祖某綏州刺史祖某潞州別駕父某晉州錄

事參軍

息國夫人誌

曾大父襲夔贈禮部尙書大父殆庶贈太子太師父

如蘭仕至太子司議郎汝州司馬

河南府法曹盧府君夫人苗氏誌

書祖書父及其舅其夫例

夫人姓盧氏范陽人亳州城父丞序之孫吉州刺史

徹之女嫁扶風馬氏爲司徒侍中莊武公之冢婦

少府監西平郡王贈工部尙書之夫人

扶風郡夫人誌

書父及其夫其子例

楚國夫人姓翟氏故檢校御史大夫宋州刺史良佐

之女今司徒兼中書令許國公之妻前鄜坊節度

使散騎常侍兼御史大夫公武之母

楚國夫人誌

書兄弟例

書兄及弟例

公之昆弟五人載戡戢戰公于次為第二

正議大夫尚書左丞孔公穀誌

書妻例

書妻及曾祖祖不書妻之父例

公之配曰彭城劉氏夫人夫人先卒其葬以夫人祔

夫人曾祖曰子玄祖曰餗皆有大名

河南少尹李公誌

書妻及妻之祖父不書妻曾祖例

妻彭城人世有衣冠祖好順泗州刺史父泳卒蘄州

別駕

河中府法曹張君誌

夫人天水權氏贈太子太保貞孝公臯之承孫故相

今太常德輿之女胤慶配良是似是宜

秘書少監贈絳州刺史獨孤府

君誌

書妻及妻之父不及其曾祖祖例

夫人博陵崔氏少府監頰之女

河南少尹裴君誌

夫人常山郡君張氏彭州刺史贈禮部侍郎旣之女

生子男三人

中散大夫河南尹杜君誌

妻范陽盧氏鄭滑節度使兼御史大夫羣之女與君

合德親戚無退一言

殿中侍御史李君誌

書妻及妻之父及曾伯父例

夫人博陵崔氏朝邑令友之之女其曾伯父玄暉有

功中宗時夫人高明遇子婦有節法進見侍側肅

如也

中大夫陝府左
司馬李公誌

書妻及妻叔祖不書其祖父例

娶彭城劉氏女故相國晏之兄孫生男二人

集賢院校
理石君誌

不書妻祖父例

妻鄭氏也

崔評
事誌

夫人河南胡氏號太原郡夫人

工部尚書太原
郡公神道碑

君娶河東柳氏女

河南令
張君誌

公娶其舅女有子七人

觀察使贈常侍
太原王公誌

娶滎陽鄭氏女生男六人

興原少尹
房公誌

妻曰太原王氏先生卒

施先
生誌

夫人李姓隴西人君在配君子無違德君歿訓子女

得母道甚後君二十年年六十六而終

考功員外
盧君誌

因葬書妻例

其妻清河張氏以其年十二月丙寅葬君于洛陽平

陰之原

太原府參
軍苗君誌

因耐葬書妻例

夫人滎陽鄭氏耐

銀青光祿大夫
平陽路公碑

奉先夫人天水趙氏耐

中散大夫少府
監胡公神道碑

書耐葬不
過如此

楚國夫人翟氏祔

許國公韓宏神道碑

書再娶例

夫人隴西郡夫人李氏清夷郡太守祐之孫漁陽郡

長史獻之女柔嘉淑明先公而殂有男四人女三

人後夫人河南郡夫人雍氏某官之孫某官之女

有男一人女二人咸有至性純行

清邊郡王楊燕奇碑

書三娶例

公三娶元配韋氏諱修修生子絃絃為進士學女貢

嫁崔氏夫人隋雍州牧鄖公叔裕五世孫父士佺

蓬山令次配崔氏諱葯生綽紹綰女會嫁鄭氏季

毘夫人父昭嘗為京兆尹今夫人韋氏無子父光

憲光祿卿其葬用古今禮以元配韋氏夫人耐而

葬次配崔氏夫人于其域異墓

昭武校尉守左金吾衛將軍李公誌

書婦德例

亂慶配良是似是宜

秘書少監贈絳州刺史獨孤府君誌

賢有法度

鳳翔隴州節度使李公誌

孝順祇修羣女效其所為

幽州節度判官贈給事中清河張君誌

與君合德親戚無退一言

殿中侍御史李君誌

有賢行侍君疾逾年不下堂食菜飲水藥物必自擇

將進輒先嘗方書本草恒置左右

贈絳州刺史馬府君行狀

書子女例

書子女不名例

有男八人女二人

殿中少監
馬君誌

有子二人女二人

崔評
專誌

有子六人女子一人

銀青光祿大夫太
原郡王公神道碑

凡產四男五女男生輒卽死

國子助教河
東薛君誌

生男輒死卒無子女一人學浮屠法不嫁爲比正尼

云

登封縣尉
盧殷誌

子書名女不書名例

男三人長曰初協律次曰彪其幼曰還適三歲女子

九人

殿中侍御史李君誌

男三人暢申易女三人皆嫁為士人妻

考功員外盧君誌

生男二人八歲曰王四歲曰申女子二人

集賢院校理石君誌

子女並書名例

有男十歲曰義女九歲曰孟

處士盧君誌

書子女及壻例

生男六人其長曰次卿次卿有大才不能俯仰順時

年四十餘尙守京兆興平尉然其友皆曰房氏有

子也次曰次公次膺次回次衡次元始學而未仕

女三人皆嫁為士人妻

興元少尹房君誌

書壻姓名例

生三子一男二女男三歲夭死長女嫁亳州永城尉

姚挺其季始十歲

大理評事
三君誌

生六子四男二女長曰全正惠而早死次曰居中好

學善為詩張籍稱之次曰從直曰居敬尚小長女

嫁吳郡陸暢

除名人董
府君誌

也此得其所歸所謂女嫁名人者是

有四子長曰温質四門博士遵孺遵憲温裕皆明經

女子長嫁中書舍人平陽路隋其季者幼

正議大夫
尚書左丞

孔公
誌

書子女及外孫例

七男三女邠爲澄城主簿其嫡激鄜城令放芮城尉

漢監察御史漑洸潘皆進士及公之存內外孫十

有五人

中大夫陝府左
司馬李公誌

書異母子女例

始娶范陽盧氏女生仁本仁約仁載皆有文行二季

舉進士皆早死仁本爲後子獨存後娶趙郡李氏

生三女二夫人凡三男五女

河東節度鄭
公神道碑

初娶吏部侍郎京兆韋肇女生二女一男長女嫁京

兆韋詞次嫁蘭陵蕭僎後娶河南少尹趙郡李則

女生一女二男其餘男二人女四人皆幼嗣子退

思章氏生也

朝散大夫尚書庫部郎中鄭君誌

公有四子長曰元孫三原尉次曰元質彭之濛陽尉

曰元立興平尉曰元本河南參軍皆愿敏好善元

立元本皆崔氏出

鳳翔隴州節度使李公誌

書子而無女例

子曰友直明州鄞縣主簿曰友諒太廟齋郎

施先生誌

其子越能輯父事無失謹謹致孝

清河郡公房公墓碣

長子殿中丞繼祖孝友以類

扶風郡夫人誌

既葬其子監察御史璩纍然服喪來有請

故相權公誌

書子女年歲例

男三人環質皆既冠其季始六歲曰充郎

河南少尹
裴君誌

男子二人長曰某早死次日天官始十歲有至性聞

呼父官與聞弔客至輒號泣以絕女子一人

秘書少
監贈絳

州刺史獨

孤府君誌

書女出家例

女一人學浮屠法不嫁為比止尼云

登封縣尉
盧殷誌

女子三人其長學浮屠法為比止尼其季二人未嫁

河南府王屋

縣尉畢君誌

書子女生于死後例

男三人執規執矩必復其季生君卒之三月

太原府參
軍苗君誌

子厚有子男二人長曰周六始四歲季曰周七子厚

卒乃生女子二人皆幼

柳子厚誌

書過房子例

父曰播尚書禮部侍郎侍郎命君後兄據自給事至

君後再絕皆有名遺言曰以公儀之子已已後我

國子助教河

東薛君誌

子男二人長曰肅元某官次日曰公武某官肅元早死

公之將薨公武暴病先卒公哀傷之月餘遂薨無

子以公武子孫紹宗爲主後

許國公韓宏神道碑

書子文學材質例

戡強以肅成敏以和

息國夫人誌

好善學文能謹謹致孝述父之志曲而不黷

國子司業實公誌

雖皆幼侍疾居喪如成人

贈絳州刺史馬君行狀

書無子列

唐元和九年歲在甲午八月己亥貞曜先生孟氏卒

無子

貞曜先生誌

金石例卷之七終